



# सानसेयारि बड'सा

सानसेयारि "बड'सा" खरीरालाइयाव समाजयारि जिउजो लोखा थावाय रायथाय, ब्रन्थाय, बल, बल'बाथा आरु दावबायारि थावनि, पार्क बाइदिनि सायाव लिन्नाय लिन्बिदां दैथाय डर/ सानसेयारि "बड'सा" खरीरालाइया खेबखाने फोसावगोन।  
बड'सायाव लिन्डरनायि डुबा खालाम, "बड'सा" खरी नोथां, जो बयबो आंगो खालाम।  
सानसेयारि बड'सा मावखुनि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Wednesday ★ 16 October, 2024 Kokrajhar, BTC, Assam ★ Vol.-34, Issue No.198 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## फैगौ 13 नभेम्बराव आसामनि दर 5 बियाबआव उफ्रा बिसायख 'थि खुंजागोन

### कंग्रेसआ दर 4 बियाबआव बिजाथिनि मुंखौ थि खालामबाय

गुवाहाटी, 15 अक्टबर: आसामनि दर 5 बिधान सभा बियाबआव उफ्रा बिसायख 'थि खुंनो लाहार-फाहार जानानै दड। बराक सेरफानि डलाइजो लोगोसे बुर्लुबुथुर सेरफानि चामगुरि, बिहाली, सिदली आरु बडइगाव बिधान सभा बियाबआव उफ्रा बिसायख 'थिआ खुंजागोन। ने उफ्रा बिसायख 'थिनि थाखाय राइज्योनि गाहाइ बेरेखा दोलो कं ग्रेसआ बिजाथिफोरनि फारिलाइखौ थियारि खालामबाय।



दख्खे बियाबआव बिजाथिफोरनि मुंखौ थि खालामनायनि अनगायैबो दरसे बियाबआव साथाम बिजाथिफोरनि मुंजो कं ग्रेसआ पेनेल थियारि खालामबाय। मख'नो गोनांदि, (□ 6 बिलाइआव)

## कक्राझार मेडिकेल कलेजआव आरजि कर जाथायनि हेंथायै फाहामगिरिफोरा सोमावसारदों

कक्राझार, 15 अक्टबर: दुलाराय हादतनि मेडिकेल कलेजफोरजो लोगोसे कक्राझार मेडिकेल कलेजनि फाहामगिरिफोराबो दिने कलकातानि आरजि कर मेडिकेल कलेज आरु हस्पिटालनि जुनियर फाहामगिरिखौ इनायै बुथारनाय जाथायनि थार बिजिननाय दाबिनानै धर्ना होनायै सोमवासारायाव बाहागो



लायो। मख'नो गोनांदि, थानाय कक्राझार मेडिकेल कक्राझारनि बेसरगामिआव (□ 6 बिलाइआव)

## रुपहि दैमानि निजोम गाथोनाव बाथोन थुनलाइयारि जख'न्थाइनि 19थि थुनलाइयारि जख'न्थाइ खुंदों

सिमला, 15 अक्टबर: आथिखालाव बर'फोरनि गेजेरावबो थुनलाइयारि बिथिडव गोबां जौगानायजों गुबुन गुबुन आयदायाव, हायुंआरि आरु राइज्योआरि थाखोनि गोबां बान्था मोन्नायखौ नुनो मोनसै। अदेबानि आथिखालाव बर'फोरनि गेजेरावबो



थुनलाइयारि बायदि रोखोम हाबाफारिफोरखौ थादनाय गैयै खुंफुनाय आरु गोसो होनायखौ नुनो मोन्नाय जादों। बेबायदिनो दिनेबो बाक्सा जिल्ला सालबारि महकुमानि बेन्दोंआव थानाय राबांगुरि रुम्बां नोगोराव जोनोम मोन्नाय बाथोन थुनलाइयारि (□ 6 बिलाइआव)

### आसामनि दर 5 बिधान सभा बियाबआव फैगौ 13 नभेम्बराव उफ्रा बिसायख 'थि खुंजागोन

गुवाहाटी, 15 अक्टबर: आसामनि दर 5 बिधान सभा बियाबनि उफ्रा बिसायख 'थिनि अक्टखौ फोसावना होबाय। बिसायख 'थि आयगआ दिने गोदान दिल्लीनि बिगियान भवनयाव मोनसे खौरंगिरि मेल खुंनानै महाराष्ट्र आरु झारखान्ड बिधान सभा बिसायख 'थिनि सानखौ फोसावनायजों लोगोसेनो आसामनि उफ्रा बिसायख 'थि अक्टखौबो फोसावना होयो। बे फोसावनाय (□ 6 बिलाइआव)

### मानासनि पानबारि रेन्जयाव बेसेननाडै मेगननि फाहामथाय बादा खुंदों

सुबुं सम्पद रेखाथि मावफारिया काजल चौधुरीखौ मान बाउदों



भबानिपुर, 15 अक्टबर: वर्ल्ड हेरिटेज साइट मानास माहारियारि पार्कनि पानबारि रेन्ज मावखुलियाव मानास बिधान सभा बियाबनि जर'खा समाज सिबियारि, सुबुं सम्पद सिबियारि काजल चौधुरीनि मदद होनायाव आरु पनाबारि (□ 6 बिलाइआव)


### महाराष्ट्र आरु झारखान्ड बिधान सभा बिसायख 'थिनि अक्टखौ फोसावबाय



गुवाहाटी, 15 अक्टबर: महाराष्ट्र आरु झारखान्ड बिधान सभा बिसायख 'थिनि सानखौ दिने फोसावना होबाय। बिसायख 'थि आयगआ गोदान दिल्लीनि (□ 6 बिलाइआव)

### फैगौ 17 अक्टबरनिफ्राय रुपसि उां जाहाज गाथोननिफ्राय हान्था-मेला सिबिथाया जागायफिनसिगोन

धुबुरी, 15 अक्टबर: राइजो-राजाफोरनि गोबाव सान नाडै दाबिखौ लानानै फैगौ 17 अक्टबरनिफ्राय फिन धुबुरी जिल्लानि साखाथि आरु कक्राझार जिल्लानि रुपसि उां जाहाज गाथोननिफ्राय दावबायारि उां जाहाजनि हान्था-मेलाया जागायसिगोन। उरान बिथांखिनि सिडाव एलाइन्स एयार मुनि उां जाहाज आफादआ रुपसि उां जाहाज



गाथोननिफ्राय बे उां जाहाज सिबिथायनि हान्था-मेला जागायफिननाया थिसनजागोन होना मिबिथिनो मोन्नाय जादों। आथिखालनिफ्राय सप्ताहयाव

### गसाइगावयाव लामानि जाब्रबथायाव सासे सुबुंनि जिउ ख'हा



गसाइगाव, 15 अक्टबर: गसाइगाव सदर सहरनि कलेज रडयाव थानाय हराव लामानि जाब्रबथायाव सासे सुबुंआ जिउ गोमादों। जिउ गोमानाय सुबुंखौ कलेज रडनि थागिरि रुंसारि (□ 6 बिलाइआव)

### जनाइ हालामआरि फरायसालिमा बर' फरायसा थुनलाइआरि आफादनि बान्जायनायाव खुंगा 7थि सिनायथि सान खुंदों

फरायसाफोरा थांखि लानानै फरायाब्ला इयुनाव फेलें जाहैगोन: बड'सा ब्रम्

जनाइ, 15 अक्टबर: जनाइ दख'रा दुलाराय बर' फरायसा आफादनि हेफाजाबजों दिने जनाइ मुर'क'सेलेक फरायसालिमायाव सानसेनि हाबाफारिजों जनाइ हालामआरि फरायसालिमा बर' फरायसा थुनलाइआरि आफादनि बान्जायनायाव खुंगा 7 थि सिनायथि सान फालिथाय हाबाफारिखौ मेहेर गोनाडे गाजा



गोमजायै फालिदों। हाबाफारि बायदियै फुंबिलि समाव जनाइ दिनेबो बाक्सा जिल्ला सालबारि महकुमानि बेन्दोंआव थानाय राबांगुरि रुम्बां नोगोराव जोनोम मोन्नाय बाथोन थुनलाइयारि (□ 6 बिलाइआव)

### सुबुं हाबफैखुमानायखौ होबथानोब्ला राभा हासंखौ 6थि फारिलाइनि मर्यादा होनांगौ: तंकेस्वर राभा

### कक्राझारआव राभा आफादफोरनि मेल, मन्थि इउजि ब्रह्मनि बिबुंथिखौ लानानै फिनजाथाइ होदों राभा आफादफोरा

कक्राझार, 15 अक्टबर: बड'लेन्ड टेरिटरियेल रिजन (बिटिआर) आव जुग-जुगनिफ्रायनो राइजो जाबोनाय राभा हारिनि सुबुंफोरनि मोननो गोनां मोन्थाइ आरु राहा खाबुफोरखौ लानानै दिने दुलाराय राभा फरायसा आफाद आरु दुलाराय राभा आइजो (□ 6 बिलाइआव)



### जन-बिस्वनाथ जिल्लानि सेमि फाइनाल बादायलायनाया जोबलांबाय



कक्राझार, 15 अक्टबर: बड'फा गोजोरथियारि सोलायनाय मावथांखिखौ बिथा खालामनानै दुलाराय बर' फरायसा आफादनि बान्जायनायाव खुंजानाय 13 बोसोर बैसो सिनि 3थि खेब हौवासा आरु 1थि खेब (□ 6 बिलाइआव)

### मिरु एबसुजों बान्जाय जानाय 13 बोसोर बैसो सिनि जोबथा जोलुर गेलेनाय बादायलाइनाया 19 अक्टबराव खुंफुं जागोन

मुसलपुर, 15 अक्टबर: बड'फा गोजोरथियारि सोलायनाय मावथांखिनि आवथायाव मिरु दुलाराइ बर' फरायसा आफादआ 3थि 13 बोसोर बैसोनि सिनि हौवासा आरु हिन्जावसा हान्जानि जोलुर गेलेनाय बादायलायनायखौ बाक्सानि मुसलपुर गोजौसिन गेजेरारि (□ 6 बिलाइआव)



भबानिपुर, 15 अक्टबर: एपिडिसिएलआ स्मार्ट मिटरजों गोबां जौखोन्दो मोब्लिब मासुल बिलनि गेजेरजों सरासनस्त्रा सुबुंफोरनि सायाव लुथिनायनि आजद दैखानानै दिने सालबारि महकु मानि कु टुरिझाराव खुद्विखानाय राइजो-राजाफोरा एपिडिसिएलनि हेंथायै सोमावसारदों। मख'नो गोनांदि, एपिडिसिएलआ ग्राहकफोरनि न'आव लगायनाय आगुनि मिटरारव जैरैबायदि बिल



फैदोंमोन, बेनि रुजुनायाव आथिखालाव स्मार्ट मिटर लगायनायनि उनाव बांसिनथार जौखोन्दो मोब्लिब बिल फेनायाव कुटुरिझारनि राइजो-राजाफोरा एपिडिसिएलनि हेंथायै दिने हेंथा सोमावसारनाय (□ 6 बिलाइआव)

जेव्हा विगुर रानखानाय, गुरित रानखानाय एवा आथि आफा गावनाया जेना खालामो

अब्ला सभ'लिननि

गुरे मुलायम क्रिमआ

विगुराव

भिटाभिन होयो, जौनाय लाबोयो

आरो मोखानिफ्राय दागोफोरखौ जानगार खालामो

SOVOLIN

बिनिखायनो सभ'लिननि क्रिमखौ सानफ्रोमबो वाहाय



सुजुगिरिनि खोलोम

जुथाय हान्जानि राजखान्ति

थानाय लकसभा बिसायख 'थिनि फिथाय फोसाव जानायनि उनिनफ्राय आसामनि लान्दां जानाने थानाय दर 5 बिधान सभा बियाबआव उफ्रा बिसायख 'थि कुंनो साखा-फार जादों बिसायख 'थि आयगया। मिबथि मोन्नाय बादिथे फैगो दाननि नैथि सप्ताहनि गेजेराव हादतनि मोन 45 बिधान सभाफोरव उफ्रा बिसायख 'थि खुंनयनि हाबाफारि बिसायख 'थि आयगया बावैसोनि गेजेरावको फोसावनायनि मिजिं दं। बेजों लोकोसे आसामनि दर 5 बियाबफोरवको बिसायख 'थि खुंजागोना रोखा जादों। उफ्रा बिसायख 'थिखौ लानाने माखासे दोलोफोरखी सांग्रां जानाय नुनो मोन्नाय जादोंब्लाबो गुबुन माखासेखी दासिम सांग्रां जानाय आरो बियाबफोरव बिसायख 'थिनि बार बारनाय नुनो मोन्नाय जायखे। अदेबानि सायाव सांग्रांथि नुजायनि जाहोनफोर थायैबो नड। सायाव सिरिब्लाबो इसिडारि बिथिडव सांग्रां आरो साग्रिदबो जादों जानांगो, बेयो दोलोफोरनिसे इसिडारि बाभ्रा। बिसायख 'थिनि सम सौफैयोब्ला दोलोफोरनि गेजेराव बिजाथि सायख 'नाय, दाबिनाय आरो मोन्नाय-मोनैखौ लानाने दान्थे-बिदान्थे जालायनायजों बिसायख 'थि फोथारनि थासारिखौ लानाने मदतगिरिफोरनि गेजेरावको दोहो फैनाय नुनो मोन्नाय जायो। लान्दां जानाने थानाय बियाबफोर मोनफा मोनफा दोलोनि गोहोम थानाय बियाबफोर जायो। बेखायनो जानो हागो दोलोफोरनि गेजेराव गावबा गावनि दखलाव थानाय बियाबफोर सिगाडव जेरैमोन बेबादिनो फैगो उफ्रा बिसायख 'थिनि फिथायाबो सिगांनि बादिथेनो थागोन, बिब्दि सान्नाय आरो मदतगिरिफोरनि सायाव फोथायथि लानानेनो उफ्रा बिसायख 'थियाव गुबुन बिसायख 'थिनि रुजुनायाव गोबांथार सांग्रांथिजों गोनांथि होनाय नुनो मोन्नाय जाया।

दरसे सुबुं खुंथाय हादतआव साफ्रोमबो बैसो गोरा नोगोरिफोरनो जेरै भट होनायनि मोन्थाय दइ, बेबादिनो बिसायख 'थि दावहायावबो बिजाथि गसनाने बादायनो मोन्नायनि मोन्थाय थयो। बिसायख 'थिखौ लानाने दोलोको दोलो बादायलायनाय नुनो मोन्नाय जायो। रइज्योयाव खुंजागो गोनां लान्दां जानाने थानाय बिधान सभा बियाबनि बिसायख 'थिनि बार बारनाय दासिम नुनो मोन्नाय जायखे। बिसायख 'थिनि अक्ट फोसावयोब्ला राजखान्ति दैदेनगिरि आरो दोलोफोरनि गेजेराव बार बारनाय नुनो मोन्नाय जायो। जौनि रइज्योयाव थानाय लकसभा बिसायख 'थिनि फिथाय फोसावनायनि उनिनफ्राय लान्दां जानाने थानाय दर 5 बिधान सभा बियाबफोरवको हादतनि गुबुन गुबुन रइज्योफोरव लान्दां जानाय बियाबजों लोकोसेनो उफ्रा बिसायख 'थि खुंनो साखा-फार जादों बिसायख 'थि आयगया। बेनि थि समफारि फोसावनाय जाथ 'थाखेब्लाबो खुंजागो गोनां उफ्रा बिसायख 'थिनि समआ खाथियाव सौफैनायखौनो बुंजायो। आथिखालनि सम आरो थासारियाव एखुथाये खुंथाय गोहोयाव फेनो हानायखो गोब्राब होयो। बेराफस बैवैसो सिगां खुंजागोनाय जम्मु-काश्मीरनि बिधान सभा बिसायख 'थियावबो हासिंडे सरकार दानो हानायनि मासि देहानाय नुनो मोन्नाय जायखे। बेनि जाऊनाव बांसिन मासि देहानाय नेसनेल कन्फरेन्सआ गुबुननि मदत जुथायनो गोनां जानायखौ नुनो मोन्नाय जादों। मिबथिनाय बादिथे दासिम सरकार दानो हानायनि लामाया खां जायखे, नाथय गो-गोथोनि थासारिखौसो बांसिन नुनो मोन्नाय जादों। गुबैथे बिसायख 'थिनि सिगां कंग्रेसजों जुथाय हान्जा दानाय नेसनेल कन्फरेन्सनि थांखिया खायफनि मदत मोन्दांब्ला माखासेनि हेथा होनाया दासांनि सरकार दानायनि लामाखौ गोजाननिफ्राय गोजानसिन जालानायखौसो नुनो मोन्नाय जादों। सोलिफु थासारियाव राजखान्ति दोलोफोर जुथाय हान्जा दानाने राजखान्ति गेलेनायखौ बांसिन गोनांथि होनायखौ नुनो मोन्नाय जायो। बिब्दि रहजोको दासिम जुथाय हान्जा दानाने खुंथाय सामलायनायखौ नुनो मोन्नाय जायो। जुथाय खुंथाय सामलायनायखौ मिरुआवव' लड गुबुन गुबुन रइज्योफोरवको नुनो मोन्नाय जायो। जौनि बड'लेन्ड हालाम आरो रइज्योयावको मोनथाम-मोनैबे दोलोनि ज' लोको नानाने जुथाय खुंथाय सामलायनाने दइ। गोरोबलायै थांखि आरो आदर्शजों दाफुं जानाय दोलोनि गेजेराव गोरोबलायनाने राजखान्ति गेलेनांखौ थारैको गोब्राब नुहरो। नाथय राजखान्तिथयव बेयो जाथावना।

एमाजन रेनफरेस्टनि मिथेन सोबना लानाय गोहोआ 70 जौखोन्दो दावख्लायनो हागौ: स्टाडि

गोदान दिल्ली, 15 अक्टबर: जौनि बुहुमनि थाखाय मोनसेबाव गिखंथाव खौरं सोराडव फेदों। खौरांनि बादिब्ला, बोथोर सोलायनायनि जाहोनाव मेक्सिमम बिदुं आरो हिउमिडिटी एवा सिदोमानि जाहोनाव एमाजन रेनफरेस्टनि ग्रीनहाउस गेस मिथेनखौ सोबना लानाय गोहोआ 70 जौखोन्दो सिम खम जानो हागौ। मोनसे संदानायव बेखौ मिथिनो मोन्दों। संदानगिरिपोरनि बादिब्ला, बोथोर गरमसिन जाबोनायनि जाहोनाव खोला आमेरिकानि एमाजनआव हमदांनय गोबांथार



अखा आरो गोरान रानसावनायनि जाहोनाव ग्रीनहाउस गेस ओंखारहोनायाव

रैखाथि मन्थि राजनाथ सिंहआ तेलेंगानाय नाभाल राडार स्टेसननि अन्थाइ खाम्फा गायसनदों



गोदान दिल्ली, 15 अक्टबर: रैखाथि मन्थि राजनाथ सिंहआ मंगलबारखालि तेलेंगानानि दामागुन्डाम हाग्रा ओन्सोलाव नेभिन आल्ट्रा ल' फ्रिक्वेन्सि (भिएलएफ) राडार स्टेसननि अन्थाइ खाम्फा गायसनदों। बे फालिथाइयाव बिथाड बुंदोंदि, भारतआ बयखौबो खौसे खालामनायव फोथायो आरो बिसोरखौ बोखावनाय नड। बेनिखायनो जों जौनि लोकोआरि न'सुडारि हादतफोरखौ लोकोआव लाफानो थाखाय गासैबो जाथावना राहा लागसिनो

गोहोम गोग्लैनो हागौ। मख'जाथावदि, बुहुमनि समफल' होना बुंजायय एमाजन रेनफरेस्टआ गाहायै ब्राजिलआव दइ। बेनि माखासे बाहागोआ पेरे, कलम्बिया, इक्वाडर आरो गुबुन मख'जाथाव ग्रीनहाउस गेस सिंक महरै मिथिजायो, जाय बारनिफ्राय बे गेसफोरखौ सोबनाने लायो। बारहावाखौ गोगोयै लाखिनो थाखाय बेफोरखौ सोबना लानाय

गोनांथार। अदेबानि ब्राजिलनि साअपाउल' इउनिभासिदिनि संदानगिरिफोर बुंदोंदि, एमाजन ओन्सोलनि 20 जौखोन्दो बाहागो, जाय बोसोरनि खावसे समावनो दैयाव थयो, बेयो मिथेन हगारो, जायजों गुबुन ग्रीन हाउस गेसफोरखौ सोबना लानायनि बेनि गोहोआ गोबां खम जायो। बे संदानाया एन्भिरनमेन्टल माइक्रबायम लाइसिआव सेबखांजादों। सिगांनि स्टाडिफोरनिफ्राय मिथिनो मोन्दोंदि, एमाजननि दै लोमग्रा ओन्सोलआ मुलुगनां थाखोआव पस्ट इउनिभासिदि, डे'भिंस, इउएसआव पस्ट डक्टेरेल संदानगिरि, गाहाइ लिरगिरि जुलिया गटिजआ बुंदोंदि, बेखौ सिगाडवको दिन्थिखांनय जादोंदि, बारहावानि बिदुं आरो मौसुमि

मेघालय हाइकर्टआ लामा रैखाथिजों लोकोसे जौगाखांहोनायखौ रोखा खालामनायाव बिथोन होदों




शिलं, 15 अक्टबर: मेघालय हाइकर्टआ सोलिफासिनो थानाय जौगाखां बिथांथिफोरनि गेजेराव लामानि रैखाथिखौ गाहाइ नोजोर होनो थाखाय रइज्यो सरकारनो गोखों सांग्रांथि होदों। कर्टआ लामाफोरखौ फुवारनाय, हाथाय बाजारनि थाखाय आलादायै जायगा खालामनो

खालामनायनि दाबि दैखांनय थिसनय मोनसे सुबुं आर'जलाइ (पिआइएल) नि फिन्नायाव कर्टआ बेबायदि बुंदों। समबारखालि हियारि होनाय समाव कर्टआ आर'जलाइ थिसनग्रा आरो रइज्यो सरकार फारनै'थिनिबो फिन्नायखौ खोनासडें। बेनि उनाव कर्टआ गनायथियोदि, रइज्योआ मख'जाथाव रैखाथि जिगाफोरखौ जानगार होनायनि थाखाय थांखि आजावदों, जेरै मेनहलआव लहानि प्लेटफोरखौ लागायनाय, गोखों आरो गुवार रैखाथि हाबाफारिनि गोनांथिखौबो गाहाइ नोजोर लाखिदों। लामाखौ फुवारनायजों लोकोसे गासैबो जौगाखां हाबाफारि आरो बानायनाय बायदिफोर लामा रैखाथिजों गोरोबथा खालामनाय बायदिथै जानो नाडा। कर्टआ रइज्यो सरकारनो मोनसे रिपर्ट गथाइनोबो बिथोन होदों, जेराव बैफोर जिगाफोरखौ जानगार होनाय आरो लामा रैखाथिखौ रोखा खालामनायनि थाखाय राहाफोरनि खेंफोरथि होनाय थानां गोन। बे रिपर्टखौ मोनसे थि समाय सिमानि गेजेराव कर्टनो गथाइनां गोन होन्नाबो बुंनय जादों।

गंभ्रै बिरखंफोरव बमा होनायनि हुमखिआ नंखाय फोरमान जादों

गोदान दिल्ली, 15 अक्टबर: गंभ्रै बिरखंफोरा हादतआव बमा होनायनि हुमखि मोनदों। बे हुमखिखौ समाजारि बिजोनिफ्राय मोननाय जादोंमोन। बिनि उनाव रैखाथि एजेन्सिफोरा गुबुन गुबुन बिरखं गाथोनफोरव उतखारि बेरेखा ड्रिल जागायदोंमोन। बबेखानि सिगिनाया नंखाय फोरमान जायो। नायबिजिरग्रा एजेन्सिफोरा बेनि सोमोन्दै फोरमायथि होदों। एकस हेन्डलआ दाबि खालामदोंमोन दि, बैफोर बिरखंफोरव बमा दोननाय जादोंमोन। बिथाड एयारलाइन आरो पुलिस हेन्डलखौ टेग खालामदोंमोन। बे बिरखंआ जयपुरनिफ्राय बेंगालुरु जानाने अयध्यासिम



एयार इन्डिया एक्सप्रेसनि फ्लाइट (IX765), दरभंगानिफ्राय मुम्बाइसिम स्पाइसजेट फ्लाइट (SG116), सिलिगुडीनिफ्राय बेंगालुरुसिम अकासा एयार फ्लाइट (QP1373) आरो दिल्लीनिफ्राय शिकाग'सिम एयार इन्डियानि फ्लाइट (AI 127) मोन। एयार इन्डिया

खालामनाय जादोंमोन। बेनि उनाव गासैबो गोनांथार रैखाथि खांथिफोरखौ मानिनाने बिरखंखौ हगारनाय जागोन। एयारलाइन कम्पानि एयार इन्डियाआ बुंदोंदि, 15 अक्टबरआव दिल्लीनिफ्राय शिकाग'सिम बिरनाय ए.आइ.127 आ बमनि हुमखि मोनदोंमोन। बेखौ सांग्रांथि महरै कानाडानि इकालुटि बिरखं गाथोनाव बाख्लायहोनाय जादोंमोन। नायबिजिरनायनि उनाव फ्लाइटआव जेबो सन्देह गोनां जेबो मोन्नाय जायाखे। बमानि सिगिनाया नंखाय जादोंमोन। बेनि सिगाडव समबारखालि मुम्बाइनिफ्राय फेनाय गंथाम गेजेर हायुंआरि

बिरखंफोरा बमनि हुमखि मोनदोंमोन, जाय नंखाय फोरमान जायो। नैथि सान थामहिनबा मंगलबारखालि एक्सनि गेजेरजों मोनब्रँ बिरखंफोरव बमा बेरहोनी हुमखि होनाय जादोंमोन। बेयो रोजा-रोजा दावबायारिफोर आरो एयारलाइननि मावथिफोरनि थाखाय जेंना सोमजिहोदोंमोन।

AFFIDAVIT

I, ANILA BRAHMA, aged about 45 years, W/O.- Late Janil Kumar Brahma, a resident of village- North Kashibari, P.O.- Khargaon under P.S. & Dist. Kokrajhar, BTC, Assam, do hereby solemnly affirm and declare as follows:-  
1. That, I am an Indian citizen by birth and residing at above noted address permanently.  
2. That, my actual and correct name and surname is ANILA BRAHMA, which is recorded in my Aadhar card No. 7534 9056 5225, and other relevant documents.  
3. That, in the land document measuring 04Bs-00K-07Ls covered by Dag No.- 394, Patta No. 8, situated at village- Dobgaon Pt. II site under Kokrajhar revenue circle wherein my name and surname has been recorded as ANILA BASUMATARY instead of ANILA BRAHMA.  
4. That, I do hereby declare that ANILA BRAHMA and ANILA BASUMATARY are the same and one identical person none other but myself.  
5. That, this declaration is signed and sworn by me to submit before the concerning authority to prove the above-mentioned facts to correction/rectification and avoid any confusion regarding my name and surname as stated above and for doing needful purposes accordingly.  
That, all the statements made in this affidavit from para 1 to 5 above are true in the best of my knowledge and belief.  
Anila Brahma

5 नभेम्बरनि सिगां इजराइलआ इरानआव गार्लोबनायनि थांखि लादों



गोदान दिल्ली, 15 अक्टबर: इजराइलनि गाहाइ मन्थि बेन्जामिन नेतन्याहुआ गावसोर इराननि निउक्लियार प्रग्राम आरो अइल प्लान्टफोरव गार्लोबनाय नड होना रोखा बुंदों। अदेबानि बिथाड बेखौबो बुडेदि, इजराइलआ जायखि जाया समावनो इराननि सान्थि केम्पफोरव गार्लोबनो थाखाय थियारि। रिपर्टनि बायदिब्ला इजराइलआ फैगो 5 नभेम्बरनि सिगां इरानआव गार्लोबनायनि थियारि जना दइ। वांशिंठन पस्टनि बायदिब्ला थानाय सप्ताहयाव आमेरिकानि हादतगिरि ज'

बाइडेन आरो इजराइलनि गाहाइ मन्थि बेन्जामिन नेतन्याहुनि गेजेराव बाभ्रा सावयनाय जादों। बे समाव बिथांमोनहा इरानआव फिनजाथाइ होना गार्लोबनायनि सायाव सावययो। अदेबानि बाइडेनआ रोखायै बुंखांबायदि, बेयो इराननि निउक्लियार आरो अइल प्लान्टफोरव गार्लोबनायखौ हेफाजाब होनाय नड। बे समावनो नेतन्याहुआबो बाइडेननि सिगांआव बैफोर मिरुफोरव गार्लोबनाय नड होना बुंदों। आमेरिका आरो इजराइलआ जयै इरानआव गार्लोबनायनि प्लेनि बानायदों। बुंनय जादोंदि, इराननि अइल प्लान्टफोरव गार्लोबोब्ला मुलुगनां थाखोयाव थावनि बेसेन बांगोना रोखा। बिब्दि जायोब्ला डेमक्रेटिक पार्टीनि बिजाथि कमला हेरिसआ सुबुंफोरनि रागा जौनायजों मोगा-मोगि जानांनो हागौ। सासे बिबानगिरिनि बायदिब्ला लोरबां जानो हाथाव सान्नायनिफ्राय बारग'नो 5 नभेम्बरआव आमेरिकायाव हादतयारि बिसायख 'थिनि सिगां इजराइलआ इरानआव गार्लोबनो। थानाय 1 अक्टबरआव इरानआ 180 नि बांसिन बेलेस्टिक मिसाइलजों खेबसेयैनो इजराइलआव गार्लोबदोंमोन। अदेबानि गोबां मिसाइलखौ इजराइल आरो आमेरिकान एयार डिफेन्स सिस्टेमा सिलिखार खालामनो हादोंमोन आरो माखासे मिसाइलफोर थांखिसिम सौहैयाखे।

दिनैनि फान्जामुथि

राशि बाइदिथै मुंनि गिबि हांखो  
मेघ: अ ल वष: ऊ ब (उ ए इ) मिथुन: क छ (ड घ)  
कर्कट: ड ह सिंह: म ट कन्या: प ठ (ण ष)  
तुला: त र बृश्चिक: ब न धनु: ध भ (ढ फ)  
मकर: ख ज कुम्भ: ग श (स) मीन: द च (ख ज झ)

- मेघ: माबाफोर खामानि मोन्नायनि सुजुग-सुबिदा मोन्नो हागोन। गोसोखौ गोजोन मोनगोन।
- वष: जेबो जेंना गैयै शान्तिथै थानो हागोन। फारफ्रोमथिबो मोजो।
- मिथुन: मोजो गेंग 'थिनि थाखाय सन्मान मोन्नो हागोन। गोजोन्नाय मोनगोन।
- कर्कट: मानिबा थाखाय जिंगा सिनांनो हागौ। गोसोखौ हमथानाने सोलिनांनो।
- सिंह: जेरैबो देहासारनायखौ मोन्नो हागोन। गोजोनै सम बारहोनी हागोन।
- कन्या: देहायाव सानाय-सुनाय सोमजिनो हागौ। देहाखौ सांग्राडै लाखिनो।
- तुला: माबाफोर मोन्नायनि सुजुग-सुबिदा मोन्नो हागोन। नोंथां थाखाय गहाम सान।
- बृश्चिक: नख 'रनि शुभ खामानि मावनाने लानो हागोन। जौगानायखौ मोन्नो हागोन। मोजो सान।
- धनु: जेखि जाया गोथार खामानि मावनो हागोन। बे राशिनि थाखाय मोजो सान। गोजोन मोनगोन।
- मकर: मानिबा केसनि मामला दइबा देहासारनायखौ मोन्नो हागोन। गोजोन मोनगोन।
- कुम्भ: जेबो जेंना गैयै शान्तिथै थानो हागोन। फारफ्रोमथिबो मोजो।
- मीन: न' हाबनाय, गायसन्नाय, कारखाना फसनाय बेफोरखौ मावनो हागोन।



## मिसाइल मेन ड॰ कालामनो गाहाइ मन्थि मदिजों लो गोसे हादतनि दैदेनगिरिफोरा मान बाउदों

गोदान दिल्ली, 15 अक्टूबर : हादतनि बाराग' हादतगिरि एपिजे आबुल कालामनि दैने जयन्ति एबा जोनोम सान। बे सानाव गाहाइ मन्थि मदिजों लो गोसे गोबां गिदिर दैदेनगिरिफोरा ड॰ कालामनो गोसोखांदों आरो बिथानो बिबार बाउदों। गाहाइ मन्थि मदिआ सशेल मिडिया प्लेटफर्म एक्सआव बुंदों, नोंथानि नोरोम आखु आरो जर'खा बिगियानारि रोंग'थिना थखाय बयजोंबो सिनायथिजानाय बाराग' हादतगिरि ड॰ एपिजे आबुल कालामनो बिथानि जोनोम सानाव गंगलायै खुलुमो। हादत दानायाव बिथानि गोखों बिहोमाखों मान-सन्मानजों गोसोखांजागोन। मिरुनि नख'र मन्थि अमित शाहआबो बिथानों



गोसोखांदों। मन्थि आ एक्सआव 'गियान आरो बिगियाननि आलादा गुण-गियानजों ड॰ एपिजे आबुल कालामआ हादतनि रैखाथिखों गोखों खालामनायाव जर'खा बिहोमा होदों। दावहा एबा

जुजिनयानिफ्राय जौसिन जाफु'सारनायसिम बिथानि हाथिनाया हादतनि थाखायल' नडा, गासै सुबुं माहारनि थाखाय बेसेन गोसा सम्पत (बिरसत)। अमित शाहआ लिरबावदोंदि, मिसाइल मेन ड॰ आबुल कालामनि जिउआ

हादतनि लाइमोनफोरोनो गोदान सान्नाय-हनाय आरो बाउसोमनायजों लो गोसे हादतखों सिबिनयानि थुलुंगा होबाय थागोन। बाराग' हादतगिरि भारत रत्न ड॰ एपिजे आबुल कालामनि जयन्तीआव बिथानों गोबांजों खुलुमो। मख'जाथावदि, ड॰ कालामआ 1931 नि 15 अक्टूबरआव तामिलनाडुनि रामेश्वरमनि साखाथियाव थानाय धनुषकडि गामियाव जोनोम मोन्दोंमोन। बिथानि आबु मुडु आबुल पकिर जैनुलाब्दीन आबुल कालाममोन। बिथानि 2002 आव भारतनि हादतगिरि सायख'जादोंमोन। ड॰ कालामआ 2015 नि 15 जुलाइआव रंसारि जादोंमोन।

## जों दावहा नांनो सानाखैमोन नाथाय भारतआ गोरोन्थि खालामबाय: गाहाइ मन्थि टुड'

अताभा, 15 अक्टूबर : कानाडा आरो भारतनि सोमोन्दोआव फिन खनसेबाव जेंना नुजाथिदों। कानाडा सरकार कालिस्तानखों हेफाजाव होग्रा हरदिप सिंह निज्जरखों बुथारनायाव भारतनि हाइ कमिसनारनि आखाय दं होना दाय जाबसिन्दों। भारत सरकार बेफोर दाय जाबसिन्नायखों नेवसिगारो आरो गुदि-बिथा गैये होन्ना बुडो। कानाडानिफ्राय भारतआ गावनि हाइ कमिसनार सन्जय कुमार शर्मा आरो गुबुन राजथान्देफोरखों लिंहरफिनबाय। कानाडानि गाहाइ मन्थि जास्टिन टुड'आ बुंदोंदि, थानाय बोसोयव सासे कानाडा नोगोरारिखों बुथारनाय केसआव भारतयारि बिबानगिरिफोरनि आखाय थानायन दाय जाबसिन्नायजों



लोब्बा गोनां गासैबो खोंफोरखों कानाडाआ गावनि फाइभ आइस शेयारिफोर, जर'खायै आमेरिकाजों शेयार खालामदों। मोनसे प्रेस कन्फरेन्सआव समबारखालि भारतआ सा 6 कानाडान राजथान्देफोरखों बोखाना लादों आरो हरदिप सिंह निज्जरनि बुथारनाय केसखों नायबिजिनयाव लोब्बा थानाय दाय जाबसिन्नायफोरखोंबो नेवसिगारदों। बेनि उनाव कानाडाया गावनि हाइ कमिसनार आरो गुबुन बिबानगिरिफोरखों हादतआव लिंहरफिन्दों। जास्टिन टुड'आ बुंवावदोंदि, बिथाडा गाहाइ मन्थि मदिजों सावरयदोंमोन आरो भारतखों बे केसखों गोथीयै लानोबो बुंदोंमोन। बिथानोमोना भारत-कानाडानि सोमोन्दोआव जेंना लोबोयाखै।

भारतआ दरसे मख'जाथाव सुबुंखाथि हादत, जायजों गावसोरनि सुबुंफोरहा गोथी जारिनिनारि सोमोन्दो दड। बिथानोमोना दावहा जानायखों हास्थया। नाथाय बेबो रोखादि, कानाडाआवो सासे कानाडान सुबुंखों बुथारनाया नोजोर होया जासे थाथावै नडा। बेनिखायनो कानाडाआ मोनफ्रोमबो थाखोयाव गावसोर मिबथिनो मोन्याय खोंफोरखों भारतजों शेयार खालामदों। कानाडाआ भारतनि सभारेन्ट आरो ओन्सोलारि खोंसेथिखोंबो आबुडै गनायथियो, लो गोसेनो बेखों मानबो होयो। नाथाय बे केसआव भारतआ माबा थांखि आजावगोन होन्ना गावसोर आसा खालामदोंमोन, जाय मोगथांआव जानानै फैयाखै। मख'जाथावदि, भारतआ कानाडानि सा 6 थान्दै रिस्टवर्ट

रस व्हीलर, पेट्रिक हेबार्ट, मेरि केटरिन जली, यान रस डैभिट, एडाम जेम्स चुइपका आरो पाउला अर्जुएलाखों हादतनिफ्राय बोखारनायनि थांखि लादों। बिथानोमोनो 19 अक्टूबर मोनानि 12 रिगासिमाव भारत नागारना थानांगीनि थाखाय बिथोन होनाय जादों। टुड'आ बुंवावदोंदि, आरसिपमिपि कमिसनारनयाव रोखा फोरमान दड, भारत सरकारनि एजेन्टआ बै बायदि हाबाफारियाव दंफायो आरो आथिखालावबो दड, जाय राइज्योआरि रैखाथिआव गिदिर खोंफोद लाबोनो हागो। बेफोरनि गेजेयव सोद खोंर बुधुमनायनि आदोब, खोला एसियान-कानाडान सुबुंफोरखों थांखि खालामनाय, बुथारनायजों लो गोसे गोबां आइन बेरेखा हाबाफोरा दंफायो।

## भारतआ आमेरिकाजों 32,000 कौटि रानि प्रिडेटर इन बायनो रदाय खाबाय

गोदान दिल्ली, 15 अक्टूबर: भारतआ मोन 3 बो सान्थि हान्जाफोरनि नोजोर होनाय गोहोखो बांहोनयनि थाखाय 32 रोजा कौटि रानि बेसेनजों आमेरिकानिफ्राय 31 प्रिडेटर इन बायनो आरो बेनि थाखाय भारतआव मेन्टेन्स, रिपेयार एन्ड अभाहल (एमआरए) सेन्टर गायसनायनि रदायआव मुंसाय होनो थिरांथा लाबाय। रैखाथि केसफोरनि केबिनेट समिटिआ थानाय सप्ताहयाव 31 प्रिडेटर इन बायनायनि गनायथि होदोंमोन। गासै गं 31 नि गेजेयव गं 15 दै सान्थिनि जागोन आरो गं 8-8 इनखों हासा सान्थि आरो अख्रामा सान्थिनो गथायनाय जागोन। रैखाथि बिबानगिरिफोरा फोरमायदोंदि, आमेरिकाजों गुबुन हादतआरि सान्थि फानाय गोरोबथायाव मुंसाय होनाय जागोन। सान्थि आरो कपरिट



बिबानगिरिफोरनि आमेरिकान टिमआ बै रदायफोयव मुंसाय होनो राजथावनिंसिम दावबायदों। जुथाय नेहाथारि आरो दै सान्थि प्रग्रामफोरनि थाखाय बायनाय सामलायगिरिजों लो गोसे भारतयारि रैखाथि बिबानगिरिआ मुंसायनाय हाबाफारियाव नुजाथिगोन। भारतआ गोबाव बोसोरनिफ्राय आमेरिकाजों बे रदायखों लाना सावरयगसिनो दडमोन। जोबथा थांखिया माखासे सप्ताह सिगां जालानाय रैखाथि बायनाय परिषदनि

जथुम्यायाव लाजायो। मानोना बेखों 31 अक्टूबरनि सिगांनो गनायथि होनांगोमोन। मानोना आमेरिकान प्रपजे लनि गनायथिजानाय समा बै अक्टिसिमलमोन। भारतआ बेफोर इनखों चेन्नाइनि साखाथि आइएनएस राजलि, गुजरातआव परबन्दर, उत्तर प्रदेशआव सरसावा आरो गरखपुरआव थिसनगोन। प्रिडेटरआ जोबोर गिखंथाव इन, जाय 1900 कि:मि: सिम एरियाआव नोजोर लाखिनो हागो। फार्सेथिं चन्टयाव 480 कि:मि: गोखैथिजों उलयनो हागो।

## आसाम राइफलस आरो मिज'राम पुलिसआ डेटेनेटर, हाथियार जब्द' खालामनो हादों



आइजल, 15 अक्टूबर : समबारखालि मोनसे जुथाइ हाबाफारियाव आसाम राइफलस आरो मिज'राम पुलिसआ म्यानमारनि सिमाजों नांजाबनाय चम्पाइ जिल्लानि ताय' दैमायाव गोबां बिबानि बेरफुग्रा बेसाद मोनो हादों। बे खेबआव 39,900 डेटेनेटर आरो गंसे मबाइल फनबो

दंफायोमोन। संगालि खोंरिगिरिफोरनि खोंरनि सायाव नायबिजिनानै रैखाथि हान्जाफोरा बे हाबाफारिखों जागायदों। मटरसाइकेलजों फैबाय थानाय सासे सन्देह' खालामथाव सुबुंखों होबथानो नाजानायाव बाइक सालायग्रा सुबुंआ बाइकखों गारलाडो आरो दैमा बारनाय फारसे

खारलाडो। उनाव गारनानै थानाय बाइकखों नायबिजिननायाव बेरफुग्रा बेसादखों मोनो हायो। भारत-म्यानमार सिमायाव आइन बेरेखा हाथियारफोरखों आरो बेरफुग्रा बेसादफोरनि गोहोम गोर्लैनायखों होबथानो थाखाय नाजाबाय थानायनि गेजेयव बेखों मोनो हादों। बावैसो सप्ताहआव मणिपुरआव रैखाथि हान्जाफोरबो गोबां रोखोमनि गुलि-बारुद आरो बेरफुग्रा बेसादफोर मोनो हादों। मणिपुरआव आलादा-आलादा हाबाफारि सालायनायाव सान्थि आसाम राइफलस, मणिपुर पुलिस आरो गुबुन रैखाथि हान्जाफोरा मेसिन गान, राइफल, पिस्टल, इम्पु भाइज्ड एक्सप्लसिभ डिभाइल (आइडि) आरो गुलि-बारुद बायदि माखासे हाथियार आरो बेसादफोर मोनो हादों।

## चीननि सान्थिया भारतनि 60 किल'मिटर सिंआव केम्प खालामफैदों होन्ना आपसुआ दाबि दैखांदों

तेजपुर, 15 अक्टूबर : बिजेपिनि एमपि तापिर गाअया आयदाखों दैखानायनि उनाव अरुनाचल प्रदेशआव चीननि हाबसफैनाय जिंगाया बांदों, जायनि उनाव अल अरुनाचल प्रदेश स्टुडेन्स इडनियन (एएफिएसइड) आ चीननि सान्थि हान्जानि सायाव अनजा जिल्लयाव एबा भारतयारि ओन्सोलाव दखल खालामफैनायनि दाय जाबसिन्दों। मख'जाथावदि, अनजा जिल्लया चीन आरो म्यानमार दरनैनि सिमनायाव दड। इडनियनआ दाबि दैखानाय बायदिब्ला चीन सान्थिया भारतयारि ओन्सोलाव 60 किल'मिटर सिडव हाबनानै केम्प खालामफैदों। बिजेपि दैदेनाय सरकासो गथाइनो थाखाय फरायसा आफादा मोनसे रिपट थियारि खालामदों। एएफिएसइडनि रंखाथि नेहाथारि ब्याबां हाप डुइआ बुंदोंदि, गावसोर बे आयदाखों समबारखालि इटिभि भारतनि गेजेरखों शेयार खालामदों। बिथाडा फोरमायदोंदि, मोनसे फरायसा थान्दै हान्जाया जायगानि आबादारिफोरनिफ्राय एलाट मोन्ने हानायनि उनाव असिलियां, कपापु, तिनन्या, प्लामप्लाम, पुलम्मा, प्रेसु आरो हेडरा ठाकुरुजों लो गोसे माखासे ओन्सोलफोराव साभं



खालामदोंमोन। बेफोर ओन्सोला अनजा जिल्लानि सगलागम रेभेन्नु एरियाआव गोरलैयो। इटिभि भारतआ नेहाथारि इडनै गथाइनायखों खोंरखों लानानै बुंदोंदि, हेडरा ठाकुरुआव चीननि सान्थिया गावसोरनि केम्प बानायदों आरो बेफोर ओन्सोलसिम सौहेनाया गोब्राव। मानोना बेफोरो भारतयारि ओन्सोल एबा भारतनि सिमना सिडव दड। अब्ला चीन सान्थिफोरा भारतनि सिडव माबोरै हाबफैनो हाखो? बिथाडा बुंवावदोंदि, भारतयारि सान्थिया बेफोर ओन्सोलसिम थानायखों गोखोंडै होबथायो। जर'खायै कपापुनिफ्राय

परिसिमखों गोखोंडै होबथानाय जायो। प्रेसुआव जायगानि आबादारिफोरा जेंना गोनाडै चीननि सुबुंफोरा आरो सान्थिफोरा हाबफैनायनि जाहोनाव गावसोरनि हा-हुफोरखों नगारानानै फैदों। जायनि थाखाय मिरु सरकारनि सायाव

सुप्रिम कर्टआ मणिपुर हाइ कर्टआव पार्मानेन्ट आर्बिट्रेशन सेन्टर गाइसन्नायनि गनायथि होबाय



एबा रोखा खालामनाय। समबारखालि गाहाइ

## सुप्रिम कर्टआ मणिपुर हाइ कर्टआव पार्मानेन्ट आर्बिट्रेशन सेन्टर गाइसन्नायनि गनायथि होबाय

इम्पल, 15 अक्टूबर : सुप्रिम कर्टआ मणिपुर हाइ कर्टआव मोनसे पार्मानेन्ट आर्बिट्रेशन सेन्टर गाइसन्नायखों गनायथि होबाय। बेनि थांखिया जेंनाखों सुखानयानि थाखाय मोनसे गोखों आरो गुण गोनां जौसां जगायनाय, कर्ट आब नारसिन्थाइखों खम खालामनाय आरो थि समावो बिजिनयारखों फोजोबनाय

बिजिरगिरि सिद्धार्थ म्दुलनि दैदेनाय मणिपुर हाइ कर्टआव खुंनय मोनसे गुवार' 40 घन्टा आर्बिट्रेशन ट्रेनिं प्रग्राम' नि समाव बेखों फोसावनाय जायो। सोलिगासिनो थानाय प्रग्रामआ फेगो 18 अक्टूबरआव जोबथागोन। केरेलानि सासे उकिल भिपि थंकाचनआ समबारआव ट्रेनिं जथुमाखों नायसडो, जे राव नेम-खान्थिफोर केस बिजिनयानि अप्सन महरै आर्बिट्रेशननि गोनांथिनि सायाव बोलो होनाय जादों। बे प्रग्रामआ मणिपुर हाइ कर्ट, हाइ कर्ट आइनारि सिबिथाइ समिटि आरो हाबाफारि मावफुंनयनि मोनसे जुथाइ नाजानाय। हाबाफारियाव सा 30 ट्रेनिं लाग्राफोरा बाहागो लादों। गाहाइ बिजिरगिरि म्दुलआ जेंना सुखानयानि थाखाय मोनसे हेफाजाबारि थासारिखों लाखिलानायनि थाखाय आर्बिट्रेशननि गोहोनि बागै आसा फोरमायथियो। बिथाडा बुंदों, दावहा एबा जेंना-जैसिफोरखों सुखानयनि थाखाय गोखों सोलो आरो गोजोन्थाव नोजोर जगायना होयो।

संगालि खोंरिगिरिफोरनि खोंरनि सायाव नायबिजिनानै रैखाथि हान्जाफोरा बे हाबाफारिखों जागायदों। मटरसाइकेलजों फैबाय थानाय सासे सन्देह' खालामथाव सुबुंखों होबथानो नाजानायाव बाइक सालायग्रा सुबुंआ बाइकखों गारलाडो आरो दैमा बारनाय फारसे

खारलाडो। उनाव गारनानै थानाय बाइकखों नायबिजिननायाव बेरफुग्रा बेसादखों मोनो हायो। भारत-म्यानमार सिमायाव आइन बेरेखा हाथियारफोरखों आरो बेरफुग्रा बेसादफोरनि गोहोम गोर्लैनायखों होबथानो थाखाय नाजाबाय थानायनि गेजेयव बेखों मोनो हादों। बावैसो सप्ताहआव मणिपुरआव रैखाथि हान्जाफोरबो गोबां रोखोमनि गुलि-बारुद आरो बेरफुग्रा बेसादफोर मोनो हादों। मणिपुरआव आलादा-आलादा हाबाफारि सालायनायाव सान्थि आसाम राइफलस, मणिपुर पुलिस आरो गुबुन रैखाथि हान्जाफोरा मेसिन गान, राइफल, पिस्टल, इम्पु भाइज्ड एक्सप्लसिभ डिभाइल (आइडि) आरो गुलि-बारुद बायदि माखासे हाथियार आरो बेसादफोर मोनो हादों।

No.NDB-40/Tender/2024-25/2667 Date 14/10/2024

### Tender No. 11 of 2024-25

#### PRESS NOTICE

#### NOTICE INVITING TENDER (For offline of Multiple works)

NO.NDB-40/Tender/2024-25/2667, Dt.14/10/2024, Sealed tenders are invited affixing a non refundable court fee stamp of 8.25 (Rupees Eight & paisa twenty five) only on behalf of Nagrijuli Dev.Block (P&RD) from the intending contractors/Suppliers/ firms for the work mention below:-

Sl. No.	Name of Work	Estimated Amount/ Value (in lakh)	EMD Bid Security (in Rs.)	Tender Fees (In Rs.)
1	Construction of Sand Graveling from Navajyoti L.P. School to Hazari Chowk for the year 2024-25	10,00,000.00	10,000/- for SC/ST 20,000/- for Gen.	300/-

Pre-bid date and time: 09/10/2024 at 4 PM; Last date and time of bid submission: 29/10/2024 at 2.30 PM; Date & time of bid opening: 29/10/2024 at 3.00 PM Tender documents can be obtain from the office of the BDO, bNagrijuli on any working days/hours up to 4.00 PM from 09/10/2024 to 29/10/2024 or in https://sppp.assam.gov.in. A pre bid meeting will be held as mention above. The address for the meeting is O/o the BDO, Nagrijuli Dev. Block. The bid will be opened in the office of the undersigned as per the schedule mention above. The TIA reserves the right to accept or reject any bid tender and to cancel annual the bidding process and reject all bids at any time prior to contract award. UNSEALED TENDER WILL SUMMARILY BE REJECTED.

Sd/- Name of the TIA:- BDO

Address of the TIA:- Nagrijuli Block, Nagrijuli

IPR(BTC)/C/2024-25/720

No. KDB-448/2023-24/9966 Dtd.14/10/2024

### NOTICE INVITING TENDER

Sealed tender affixing a non-refundable court fee stamp of Rs. 8.25 (Rupees eight & twenty five) only with a validity period 180 days, which will subsequently be covered and drawn up in the printed of F-2 form are invited from the registered contractor Class-I (A.B.C.) & Class- II categories Assam P&RD and B' according to their eligibility for submitting tenders for the works under 6<sup>th</sup> ASFC fund for the year 2024-25 as stated below. The tender will be received by the undersigned 2.00 PM of 04/11/2024 and will be opened on next day at 3.00 PM.

Sl. No.	Name of work	Location	A.A. Amount (Rs. In lakh)	Cost of bid document	Amount of bid security	Time of completion
1	Const. of drinking water project in Raimona	Raimona	Rs. 19,09,000.00 L	0.03%	SC.ST=1% OTH=2%	3 months
2.	Const. of drinking water project in Gobinda Basumatary Memorial collage at Jaraguri	Jaraguri	Rs. 19,09,000.00 L	0.03%	SC.ST=1% OTH=2%	3 months

Details N.I.T may be seen in all working days during office hours in the office of the undersigned tender will be issued to the contractors of their authorized agent from 15/10/2024 to 04/11/2024 in the office of the undersigned on payment in the form of demand draft/banker's cheque from any Nationalized bank duly pledged in favour of the BDO, Kachugaon Dev. Block, Gurufela. The contractors should submit attend copy of latest Registration certificated, latest clearance certificate of Income Tax and Sale Tax, Pan card, GST, caste certificate along with the tenders in case the office remains closed on tender issuing/receiving/opening date the Scheme will be issued/received/opened on the next working day.

Sd/- Block Development Officer,

Kachugaon Dev. Block, Gurufela.

IPR(BTC)/C/2024-25/717



# बहुमाव अक्सिजेनखौ बबेनिफ्राय बांसिन मोनो, मिथिनो गोनां

जौनि बहुमआव अक्सिजेन थानाया गोनांथार। मानोना बेयाव थानाय गासैबो जिउनांफोरा हां लानायाव अक्सिजेन बोना लायो आरो कार्बनडाइ अक्साइड हगारो। बे हाबाफारियाव जाय बयनिखुइ बांसिन जाय जौखौ मदद होयो बे जादौं बिफां-लाइफां। बेनि जाहोना जादौं बिफां-लाइफांफोरा जिउनांफोरनि हां हगारनाय कार्बनडाइ अक्साइड गेसखौ बोना लायो आरो अक्सिजेन हगारो।



बेनि जाहोनाव जौं बिफां-लाइफांफोरखौ गावनि जिउनि आंगो आरो गोनांथार होना अन्सायनांगो। अक्सिजेनआ जौनि थाखाय एरैबादि गोनांथारदि जायनि अनगायै सुबुफोरा दसे समबो थानानै थानो हाया। जौं मिथिगौदि, बहुमआव अक्सिजेननि गाहाइ फुंखाया बिफां-लाइफांआनो, नाथाय गोबाडानो मिथियादि, 80 जौखोन्दो अक्सिजेनआ बहुमआव गुबुन फुंखाफोरनिफ्राय फेयो। जौं बिजाबफोराव अक्सिजेननि बागै

गोबां मोनबाय आरो खोनोबो मोनबाय। नाथाय जौं आबुडै बुजिना मोनाखै। बेखौ मिथिनायाबो गोनांदि, बहुमआव थानाय हाग्रा-बंग्रानिफ्राय बारमन्डलआव 28 जौखोन्दो अक्सिजेन मोनो। बेराफासै 2 जौखोन्दो अक्सिजेनखौ गुबुन फुंखाफोरनिफ्राय बारमन्डलआ मोनो। बारमन्डलआव थानाय एबा मोननो हानाय 50 निफ्राय 80 जौखोन्दो अक्सिजेननि फुंखायानो जादौं लैथोमा। नाथाय नोंथाहाबो सान्नो हागौदि,

लैथोमाया हां बोना लाया अक्सा बेयो माबोरै अक्सिजेन हगारो? बेनि फिनाया जादौं लैथोमा सिडाव गोबां लाइफांफोर दड, जाय बहुम सायाव एबा हायाव थानाय बिफां-लाइफांफोरनिफ्रायबो बांसिन अक्सिजेन ऑखारहोयो। फाइटप्लांकटन, केल्य आरो शैवाल प्लैंकटन बायदिफोर बांसिन अक्सिजेन दिहुनग्रा लैथोमानि लाइफां। बेफोरो फट'सिन्थेसिसनि गेजेरजौं अक्सिजेन दिहुनो।

अदेबानि बेफोरो एरैबादि फिसा-फिसा लाइफां जाय थरथिसे दैयावनो गोबां हावनानै थानो हागौ। नाथाय बारमन्डलआव बेफोरो एरैबादि गोबां टन अक्सिजेन ऑखारहोयो हागौ। जिगानि बाथाया बेनोदि, बेफोरबादि लैथोमायारि लाइफांफोर लैथोमा हम्बाय, जाय जोबोद गिथावना आरो जौंनि जिउनांफोरनि थाखाय गिदिर खैफोदिन इसारा।

## साहच

है इसोर बेनो आंनि आर'ज आंनो गोहो हर दुखु आरो दाहाखौ दबथाइनो सोरां हर। आंनो गोहो हर मोजांनि थाखाय मावनायाव देरहासाद खालामहर। आंनो गोहो हर माब्लाबाबो गोरिबखौ नेवसिनाय नाखेबनाय आंनि गोसोयाव थिफुदला गोसोखौ दाहोफैसै। आंनो गोहो हर नहा-बाहा गोसोयै आंनि गोसोखौ दाजौगा हो, आरो आंनो गोहो हर आं नौनि मोजांनि थाखाइ आंनि गोहोखौ गथायनानै होबाय।

बिरहां कुमार ब्रह्म

## हासिब थारसे नांगौ

-सनिराम बसुमतारी

नायो मानि नुयो- बहुम सिथलायाव बायदि रोखोमनि दाखोर- दोहोराम खान्थिनि दाखोर, रांखान्थिनि-राजखान्थिनि दाखोर, सोबख'नाय आरो गोहो सोलायनायनि दाखोर। बेफोर दाखोरफ्रा आंनि सिथलायावबो सोमखोर महरखौ हाद्रि बिरफुं होनानै मेगन थाइनैखौ खाना खालामो; न' बां, बारि-बागान फोरखौबो सोमखे सिजौं खलोब खाख्लोब होयो। राम कृष्ण, जीशु-बुध्दा, जुथिप्टिर-अश'क आरो हजरत मोनहा मुगानि उनाव मुगा बहुम सिथलानि रोखोम रोखोम दाखोरखौ सिबस्रां लांबाय थारफा हासिब जानानै। गुरुदेब बाबा, बड'फा मोनहाबोध' दिन्थिलंबाय हारिनि लांगोनायाव सोमजिनाय दाखोरखौ हासिब थारसेनि बिबान लानानै समायना-गोथारै सिबस्रांलांनो। दिनै बेफोर बायदि दाखोरखौ बोस्रांनो सिबस्रांनो सोर फैगोन? थारसे हासिबनि मुग लानानै सोर नुजाफैगोन?? हे इसोर-नोंनो आंजौं नुजाफैदो मानोना आंनो दा गोदान हासिब थारसे नांगौ।

## गोसो जोलावदि

नै लाइमोन मोनसे खोथा जौमोन समाव नों हले मालाबाबो जानाड गोसो जोलावदि

-रैदोम बर', बाक्सा

## बार मोदाय

हाइ दुथां बार मोदाय, खालामो मानो नों हालाय-हाफाय? नांगौखौ मोना नाडिखौसो, मोनसै नों जेरावबो होसो होसो। खाथियाव नोडो बारबोयो जेबोया-बिरफालांनो सानो आं अबोला, नाथाय नायफिना नोंसो आंखौ खाथियाव नुब्लाबो नुथिनि आखुखौ दिन्थिपलानानै- जानगर लाडे गोजाननिफ्राय गोजान सिनै। गथा राच्यनि आखुआव, मौसुमी बारनि खुदुमनायाव, सिमब्रै-सिमब्रा जायो जीउ सोलेर बागदावफ्राडेबो गेजेर-गेजेर। नोंखौसो लोगोसे दंफायो सानफ्राडे। खाथियाव फैबा नुसै- आथिं गैयै-आखाय गैयै, गुसुथिलसै; खुदुमना मोदोम गोजांसिउ लाडे नोंखौनो माब्ला फैगोन नंफ्राडे। बारबोयो जेब्ला दुथां बार मोदाय सानस'वा नामा नों आंखौलाइ। जायो मानो नों अन्थाय बिखा, नाडै होन्दं नों थारै प्लाथांगा सिखा? लाडसै माथो आंखौ दानस'नानै नायगिरसैल' नोंखौ दुखुथिया जानानै

मनजित ब्रह्म बार्सिझरा

## दावबाय सुला

दावबाय सुला जीउआ फैबाय आला खाला सानसे समनि फिननायाव आगोमा बिमानि गोबांयाव जोनोम लाना, सफैबाय दिने बहुम बिमानि दरखंआव, जाबाय दिने उसाव-बादाव माखौबा नायगिरनानै जिउआव जिउखौ फोथांनयनि राहायाव। मुखुब जानांबाय आं निजेनो, थै-थां हाजासे गावखौनो, मुलुग संसारजौं सोलिलानो, जिउखौ गावनि गोजोनग्लायहोने। बजबना लानांबाय आं दुखु-सुखुखौ गावनि सानना जीउयाव मोनखानांगौ फिथाइखौ गावनि जीउआव बजबना। अरायबो दावबायनायनि मिजिंजौं बबेबा गुवार हादरमायाव।

रातुल बर' गामि- कलहवारि ला:सो:- आथियाबारि जिला- बागसा बि टि सि आसाम।

# रंजालि गथ'फोरनि सौरा

## सुग्रिखाडे

सुग्रिखाडे आं बै समनि बाथा एंखोर थांगा बारि बारि मोसौ मैसो गुम्बोनाय सम फोरखौ, दिया दख्ला लोगोफोरजौं खांखाय गुदुडव खांखाय खन'ना सावजानायखौ ! बेलारोम बुब्लिआव मैसोनि बिखुडव गाखोना रिउ रिउ सिफुं दामबोनाय समखौ।

सेलाबर, नोंनो नखना - कार्बिं हालामनि थैस' थॉस'नि बोहैदों नों-लाजिगुसु मोखाडै, जौंसिन हाजो थिखिनि निफ्राय मुगायै मुगा जारिमिनि बिलाइआव माहि आखु समायना कार्बिं सिख्ला।

नोंनि गोबोआव गैया उन्दै गेदेर मोजां मोनो नों हालामनि थागिबिखौ, आरो जुदा जुदा राव हारिमुखौ ! अनफावरिनि लो सुना बोहैदों नों खावनै खालामना गुबुन गुबुन थागिबि फोरनि गामिखौ।

सेलाबर सिफिदैसा हरखाथि दैख्क हरिना जमुना, मिथिगानि लाइमोनसि सिख्ला - खफिलिजौं दबायाव बामजाना बुरलुबुथुरजौं खारफा लादों।

आरो मा सुग्रिखांवावनो गोदोनि जारिमिनि राजि खुंबोनाय सुबु अनफावरु तुलनसि जोहोलावनि नोंनि फैलाव रुबुथि हायेनाव।

सोरनो बुडेब्ला सोर फोथायगोन आलो गोजोने राजि खुंनय हारिखौ फोथायखेबस' फोरा खायथ्लारि सोलोजौं खालामबाय लान्दा खान्दा साखि दं हनै सेलाबरा।

बारमोदाइजौं सिम्ब्रे जानानैब्लाबो बोहै लादों नों - जिंगोर गैयै जासे, खौसेथिनि सायखं जानानै हारि हारिसा लोगो लानानै अनफावरिनि देंखोजौं जोनोम बिमानि -- राव हारिमुखौ गेरमसा खालामनो।

पबित्र ब्रत दैमारी गलाघाट

## बिबारनि बिथ'

जेब्ला जौं गुदिरखौ गायगोन अक्सा बिबारनि बिथ'आ मोजां खिलिगोन नाथाय बे बिबारनि बिथ'खौ मोजाडै जेथोन लायाब्ला बिबारनि बिथ'आ रानलांगोन। जेब्ला बिबारनि बिथ'आ मोजाडै खिलिगोन अक्सा जौं हासार दै होनांगौ जैरे बेनि देहाया जाब्लासो देरगोन थि बेबायिदि बिबारनि बिथ'आ देरगोन। ओइ सुबुफोर मिथियाखै नामा उन जिउआ मा जागोन मिथियाब्ला मा जानो सुबुफोर गावनि जिउखौ ओरेनो दाहगार। जेब्ला बिबारनि बिथ'आव मासे दुथां एम्फौआ फैनानै बे समायना बिबारनि बिथ'खौअरफायनानै होगोन अक्सा बिबारनि बिथ'आ गात्रि जागोन। जैरे जौनि जिउआव सासे दुथां सुथुरआ फैनानै बे समायना जिउखौ बुथारगोन थि बेबादिनो जौनि जिउआबो गात्रि जागोन। बिबारनि बिथ'आ समायनामोन नाथाय मासे दुथां एम्फौआ फैनानै अरफायबाय बेनिखायनो बे दुथां एम्फौबादि दाजा लोगोफोर।

जेक्सन नाजॉरि गामि: गारलाबारि

## आं गाबो

आं हांमा सुरै सुरै गाबो आंनि थाइने मेगनाव मोदें बोहैयो, आंनि गोबाय देरायाव फिसिनाय दाउ मैना मासे दंमोन ! जेब्ला आं दाउ मैनाखौ फिसिदोंमोन अक्सा बिनि गांखंआ गोरलै रैदोममोन बियो गां फुवार फुवार गावनि हाथियायि थावनिनाय हाथिनो हायाखैमोन अक्सा बै समाव आंजौंनो लोगोआव थायोमोन। जेब्ला गांखंआ गोरा जायो अखां सायाव बिरथिं बायनो हानाय गोहो फेयो, अक्सा बियो बे समाव आंखौ सिनायलिया, आंखौ मोनथिलिया। नाथाय आं दाबो बिखौ सिनायो बिनिनो गोसोखांथियाव आं गाबो। बिनिनो गोसोखांथियाव आं दाबो बे फैलाव गुवार बहुम बिखायाव थानानै दड।

दैथुन बसुमतारि खामारदैसा गोजौ फरायसालि, बाक्सा

## नों दानानै दोननाय आर'नाया जानांगौ मुसि लांबाय

समनि मोहेरनायाव बोथोरनि होगदावनायाव आंदि थोर थोर गिहावना दं।

नों आंखौ लिंहरनाय बै समाव नों आंनो बुंहरनाय नों दानानै दोननाय आर'नाया जानांगौ मुसि लांबाय।

नों आंखौ दाबो नेनानै दं ना? नों आंनि थाखाय दानानै दोननाय आर'नाय फालिखौ लाना आंखौ लामा नायनानै।

आंदि दिने नोंनि बेसेबां गोजानाव नों मोनहास'हाये। नाजादों नोंनि खाथियाव थानो नोंखौ नायनो हांखुर जाबायनानै नाथाय हायाखै।

मिथिगौ आं नों आंनो दानानै दोननाय आर'नाय फालिया जानांगौ मुसिलांबाय।

नब' ब्रह्म बर' बाजार सोलेंसालिमा, चिरां

## ग्लेमार

बे सिखलाया सोर आरो बबेयाव जोनोम सिरि-सिरि आंनि गोसोआ फागोला। रिजि-रिजि गुरै ददेंरे आखायाव बिनि मिहिन्दि, हायद्रजौं गाब गानाय खानाय बिनि गुसुं बेलासि बायदि फारनै खावलाय, नारेंसु गथं। ग्लेमार, रमान्टिक सिख्ला आजोलि गाननाय बिनि जिन्स, स्कर्ट, हाइटपेटिं, सुरिदार ग्लेमार। बे सिखलाखौ नै बाजियाव नुजेनबाय आं, थाम बाजियाव लोगो मोनक्लायबाय ब्रै बाजियाव एसे, एसे गोसो थोबाय। बा बाजियाव गोसो थोबाय मोथो, मोथो, मिथिगायालाय मा खालामनो हानो? नों आंनि थाखायनो मिथिगाखौ सोरजिखादों फे आंनि अनजाली ग्लेमार, मा बाश्रा नोंनि मोजां मोनानयनि? नोंखौ गोसो थोबाय आं अराय सम जिउ नोंनि सायावसो जाबाय गानायनाय गनायैआ। समाय लाखानानै फेलें खालामा जासे जौं अरायबो नागारा सानैजौं जुदा जाया। नाथाइ.....! द' बाजियाव खोनासंनबाय '0'।

रिन्दाव बसुमतारी देबोरगाव



## बायजोआरि मन्थि एस जयशंकरआ एस.सि.अ जथुम्मानि थाखाय इस्लामाबादसिम दावबायदों

इस्लामाबाद, 15 अक्टूबर: बायजो हायुंआरि मन्थि एस जयशंकरआ मंगलबाराव शंहाइ हेफाजाब आफाद (एस.सि.अ)नि मोनसे जथुम्मायाव बाहागो लानो थाखाय इस्लामाबादसिम दावबायो, जाय सासे गागि भारतआरि मन्थिनि पाकिस्तानआव गिबिसिन दावबायनायमोन। जयशंकरखौ नुर खान एयारबेसआव पाकिस्ताननि गागि मावख गिरिफोरा बरायदोंमोन। बेयो 9 बोसोरनि उनाव भारतनि सासे बायजोआरि मन्थिनि पाकिस्तानआव गिबि दावबायनाय काश्मीर जेनाखौ लानाने आरो पाकिस्ताननिफ्राय सोमजिनाय सिमा बारनाने उत्तखारि हान्जाखौ लानाने मोनने न'सुंसेनि गेजेराव सोमोन्दोआ गाग्रि जानाने दड पाकिस्तान दावबायनाय जोवथा भारतआरिआ बायजो हायुंआरि मन्थि सुषमा स्वाराजमोन। दिसम्बर 2015



माइथायाव आफगानिस्ताननि सायाव मोनसे जथुम्मायाव बाहागो लानो थाखाय इस्लामाबाद थादोंमोन। पाकिस्तानआ 15 आरो 16 अक्टूबरआव साननेनि एस.सि.अ. काउन्सिल अफ गभर्नमेन्ट (सि.एस.जि.) नि जथुम्माखौ खुंगासिनो दड। एस.सि.अ., सि.एस.जि. नि जथुम्माया बोसोरफ्रोमबो

खुंजायो आरो आफादनि फालांगि आरो रांखान्थियारि थांखियाव गोसो होयो। गोदान दिल्लीआव मोनसे सुंद' बिबुंधियाव बुंन्याय जादों, बायजो हायुंआरि मन्थि एस जयशंकरआ बे जथुमआव भारतनि जानाने गेलेगोन। भारतआ एस.सि.अ. फ्रेमवार्कआव सांग्राडेनांथाबना दं, जेराव एस.सि.अ. फ्रेमवार्कनि सिखव गुबुन गुबुन

आदब आरो हाबाफारिफोर दंफायो। बे बाथ्राखौ मिबन्थियाव सुबुंफोरा बुंदोंमोन दि, बेलासियाव जयशंकरआ पाकिस्ताननि गाहाइ मन्थि शहबाज शरिफजों खुंजानाय मोनसे जानाय-लॉनाय हाबाफारि याव बाहागो लानायनि आसा दड। जाय एस.सि.अ. सोड्रोमा हादत फोरनि थान्देंफोरखौ

बरायगोन। मोननेबो हान्जाया सिगानिफ्रायनो एस.सि.अ. सरकारनि गाहाइफोरनि जथुम्मायाव जयशंकर आरो बिथानि पाकिस्ताननि समकक्ष इशाक डारनि गेजेराव जायखिजाया द्विपक्षीय सावरायनायखौ नेवसिगारबाय। जयशंकरनि पाकिस्तान दावबायनाय गोनांथार, मानोना बेखौ गोदान दिल्लीनि मोनसे मख'जाथाव थिरांथा महरें नायनाय जायो। मोनसे हाबाफारियाव गावनि बावैसो बिबुंधियाव जयशंकरआ बुंदोंमोनदि, जायखि-जायान न'सुंसेनि बायदि भारतआ थारेंनो पाकिस्तानजों मोजां सोमोन्दो लाखिनो लुबैगोन। नाथाय सिमा बारनाय उतखारिफोरखौ नेवसिनाय आरो लुबैनाय साननायाव लोब्बा थानाया बेबादि खालामनो हाया।

## 21 सान नाइ बाक्सानि बकुवानि सासे आइजोआ गोमानाने दड

सालबारि, 15 अक्टूबर: बाक्सा जिल्ला सालबारि महकुमानि शिमला थानानि सिखव थानाय बकुवानि सासे आइजोआ गोमानाने थानायखौ लानाने ओन्सोलनाइ नो सोमोनांनय सोमजिनाने दड। मख'नो गोनांदि, थानाय 24 सेप्टेम्बराव ओन्सोलनि भगपुलनिफ्राय 52 बोसोर बैसोनि सनेस्वरि दासआ गोमानाने दड। थानाय 21 सान नाइ बि आइजोआ गोमानाने



थानायखौ लानाने नख'रनि गेजेराव हालाय-हाफाय जानाने दड। नख'रनि सुबुंफोरा नख'रिजों लोगोसे दाब-दाब जायगायाव नागिरसंदोंब्लाबो

जेबो खौरं मोन्नाय जायाखै। आथिखालाव नख'रनि सुबुंफोरा गोमानायनि सोमोन्दे शिमला थानायाव केस थिसनबाय। सोरबा सुबुंफोरा बि आइजोनि सोमोन्दे सोमोन्दो गोनां फोरमान मोनोब्ला 8876657061 आरो 6026900126 मबाइल नम्बरव शिमला थानानि असिजों सुलाद लानो बाक्सा जिल्ला पुलिस बिबानिगिरि (एस.पि) उञ्जल प्रतिम बरुवाआ खावलायहरदों।

## फैगौ 17 अक्टूबरनिफ्राय रुपसि उरां जाहाज गाथोननिफ्राय हान्था-मेला सिबिथाया जागायफिनसिगोन

(1 बिलाइनिफ्राय) बिफानजों रदाय खानाय बायदिये 2021 माइथायनि 7 मार्चनिफ्राय दावबायारि उरां जाहाज सिबिथाया सरकारजों 3 बोसोर नाइ रदाय खानाने 'प्लाइ बिग' मुनि उरां जाहाज हान्था-मेला आफाद मोनसेआ जागायजेन्दोंमोन। गिबि थासारियाव हान्था-मेला आफादआ मोन 72 मासिनि उरां जाहाजजों सप्ताहयाव सानथाम नाइ रुपसि जानाने गुवाहाटीनिफ्राय कलकाता आरो कलकातानिफ्राय रुपसि जानाने गुवाहाटीसिम दावबायनाय हान्था-मेलानि सिबिथाया होबोदोंमोन। नाथाय उनाव दावबायारिफोरनि बांनयाव बे उरां जाहाजनि सिबिथायखौ सप्ताहयाव 6 सान बांहोदोंमोन। नाथाय उनाव 2023 माइथायनि 7 नभेम्बरनिफ्राय जायखि-जाया रोखोमनि सिगांग्रो फोसावथाय होयालासे प्लाइ बिग कम्पनीआ रुपसिनिफ्राय उरां जाहाज हान्था-मेलाखौ बन्द' खालामना होदोंमोन। मख'नो गोनांदि, 'उरान 2' आरो 'उरान 4' मुनि बिथांखिनि सिखव गासै 100 कौटि रंजों गोदाने रुपसि उरां जाहाज गाथोनखौ लुनाय जादोंमोन। बावैसोयाव भारत सरकारआ रुपसिनि थानिगिरि राइजो-राजाफोरनि दाबिखौ अन्सायनाने फिन फैगौ 17 अक्टूबरनिफ्राय रुपसिनिफ्राय 'एलाइन्स एयार' मुनि उरां जाहाज आफादनि गेजेरजों उरां जाहाजनि हान्था-मेला सिबिथायखौ जागायहोफिनो लानाय खौराडा राइजो-राजाफोरखौ रंजाखांहोदों।

## सुंद' सल' मुश्नि रिन्नाव दैमारी

## नौखौ मोनाब्ला ?

ककलाबारी गामिनि सोनाबहा जि्रि बोहैलानाय दैसा गाथोन। बे गाथोनखौ दैसा-मेसे बान्दो थेवाय थानायखायनो बयबो सुबुंफोरा बेखौ मायदांनि बान्दो बुंन्याय जायो। सानसे खालिनि फुंबिलिनि सम जेब्ला फुंबिलि साना लासै लासै जौबोगो एसेबानो साननि रोदाफ्रा दै सायाव रिफिनाने खलाब खिलब समाइना-रमायना जासिनबावदों। दावसिन-दावलाफोराबो बासा नागरनाने दैसा सेर-सेर ज'-ज' बिरलादों। लावखार गथ' दाहोना-रुवाथी आरो गासैबो गामिनि आबादारि सुबुंफोरा गोगोमे-मैसो फालो-फालो होबोनाने जाय जेरै हालएवदों आरो सोरबा सोरबा माय गायदों। गोसो थोलाइनाय-मोजां मोनलाइनाय-सुमु-सुमु मोनदों दाहोना रुवाथी हालजांखाआव ... लोगो लोगोनो गोमखांदों कलबारि गामिनि माइदांनि बान्दोनि दैसा दे बोहैनाय बायदि। दुबुलियाव दाहोना रुवाथिनि जंखायनाय-मिनियायजों। बे बान्दोयाव दुगौनो फैयो फुंनि, सानसुनि आरो बेलासिनि। बर'नि बर' हासां नि हासां बेसे नाइनो ज'रा ज'रा आखाय हम्प्लायनाने बेरायनो फैयो। खुगा रुजु-रुमु कासिबारिनि सेंग्रा-सिखलाफोरनि राइज्जायनाय आरो गावबा गावनि इयुनिनि बाथ्रा फोरमायलायनाय।

जौब्लाव हरबाय थाहरदों। जेब्ला अनजालि एबा सिमांआ सानसेबा-साने लोगो मोनज्जलाया एबा अरायनि थाखाय गावमालायो अब्लाबो बिसोरनि गोसोआ अराय रुजु-रुमु जायो। सासेआ सासेनि सेराव थानाने अन्याय होनो बोदोर जायो। जेन जौनि सानसेबो फेलें जाया, सानफ्रामबो बेवहायनो लोगो हम्प्लायनो, जाइनि थाखाय नों दाबोनो रुजु-रुमु नि ओंथिखौ मिन्थिया ना सना ? सानसे खालिनि फुं बिलिनि बासा जेब्ला बिसोरों बे मायदांनि बान्दोनि अन्थाय थाफायाव सानेजों ज'ना दंमोन, अब्ला फुंबिलिनि जारौ साना समनि सुदेम बारजों बुदूलाब जानाय गावनि दख'नाखौ बोफलेमनाने बुंलाडे अनजालीया.... नंगी अनजाली, आं नौखौ अराय खाथियाव मोनबाय थानो लुबैयो, नाथाय सम-सम आंनि गोसोआ मानोबा गिखाडे अनजाली, नों आंखौ गारनाने.....

नैबे जों ज'नाय अन्थाय थाफायानो थुवसा गावना थे-बेथेर जालांगोन आरो बे नुहुरनाय हि मालय हाजोयाबो हायलांगोन। सिमां आरो नों खोनाफेराखै नामा ? मोजां मोन्नाय आरो गोसो थोलायनायखौ रावबो होबथानो हाया। बे खुदुमाव जोनोम लानाय जिब-जिराद, एमफौ-एनला गासैबो मोजां मोनलायनायनि गोजानाव थानो हाया। हामबाय अनजाली बारा बुंला गाग्रि मोनगोन आनान ग'साइआ। मा खालामनो आंबो जाबाय हौवानि फिसा उन सिगांखौ सान नांगी जायो.....। नों मिथिगौ दा अनजाली ? आंनि गोसो-मेगननि नोजोराबो नोंजौल'थाडे। आरो नों दाखलै मंगल बाराव रुवाथिफोरजों माय गाहनो थंब्ला, दै बानाजों बुखार जालानायाव आं जोबोत थेजानो गिदों। नों थैयोब्लानो आंबो थैफागौमोन। बे दैयावनो बारसोमना। जेरैखि जायाब्लाबो आं नौखौ बोखांनो लायथारगौमोन अनजाली। आं हरे आफांआव दंखायोमोन। खाफाल मोजांनि खोथा आनान गसाइनि अन्नायाव सोरबा सेंग्राजों बोखां जानो मोनदों। जोबोत मोजांनि बाथ्रा अह..... सिमां नोंनो खोथानोसो बावदों आं। दाखलि थानाय बेसागुयाव नोंनि मोजां आरो मेथाय रोजाबनायखौ नुनाने खोनानाने आं आरो आंनि लोगोयाबो जोबोद गोजोनदों। अनजाली.....

सान्दों बे बाराव हले गावनि अनजालुजों लोगोसे कासिकला कलेजावनो ज' फरायजावनो मोनगोन। नाथाय बिफां दखान दारआ कासि कट्टा कलेजखौ मेगन ख'नाजोंबो नायाखिसै। बियो सान्दों गाव बयजोंबो सिनाय जानाय सासे एफा गिदिर गलादारनि फिसाजोआ बेफोरबादि कलेजआव फरायनाय माने मिनि जानायसो जागोन। थांखिया बिनि गुवाहाटीनि कटन कलेजाव दोनहरनो। बिनिखायनो बियो गावनि फिसाजो अनजालिखौबो लोगोआव लां फानाने मुं थिसनानो लोगोसे हट्टे लखौबो नायखानो गुवाहाटीयाव लांफादों। नाथाय अनजालीया इसेबो गोसो गोया गुवाहाटीयाव फरायहैनो। नाथाय बिफांनि बाथ्रा लायाब्लाबो जाया। ओजों सिमांडा, अनजालीखौ सानेसो नुयैनि गोदाव-सोराव दंला बायसै। गोसोखौ इसेबो गोजोन्नाय-मोनाखिसै फुंआवनो साइकेल लानाने ओंखारलांदों कासिकला बाजारवा, गावसोरनि गामि कलबारिनिफ्राय 2-3 माइलसो गोजान जागोन। बियो मटरनिफ्राय ओंखारनायाव लोगो मोनो अनजालिया साहा गलासिम।.....

नेनाने थाहैनेल' दाबाव। आइ लाव इड सिमां, आइ लाव इड। आइ टु नथ फरगेट इड सिमां ? आं सान्दों नामा सिमां ? आं गुवाहाटीयाव थानाने गोजोनने थाहैनो हागोनहोना ? फुंनि बेलासिनि नौनि सावगांरिखौनो आं फुजिबाय थगोन। आरो नौखौनो जानायनि-लौनायनि समाव जेब्लाबो सिमां अनजालु रजे होनाने बावहरगोमोन आं। अनजालि बे बाराव सुमु-सुमु होन्नाय रावा जौनि गेजेराव बारांनिफ्रायय बारासिनसो बासा लागासिनो नडासे। बिबिदो जाहैबाय। नैबेखौ लाखि सिमां, बे थंआव जेब्लाबो लाइजाम हरबाय था, थाव-थावनो आरो बावनो मोन्नाय नडा, बै मायदांश्री बान्दोनि दैसा गाथोननि अन्थाय थाफायाव समाय-लालायनायखौ.....

## (सुंद' सल') रसेन मोसाहारी

## गोर्बोनि फिसिनाय दाव मैना

थानाय दिनफोरखौ आं आरो लेंहरफिननो हाला समनि बाबेननायाव मानपिनि साननाय हनाया सोलाय नाडे। हामनाय गाराय दाखोनखौ एरलुनो सोर लुबैयो ? थेवबो मानोबा गोसोआ बुरखाय जाया। जीउआव माल्ला समाव मा जाथाय जायो रावबो बुंस'हाया। जिखि जाया जाथायानो बे बुहुमआव फिसा नडा। हरखाव अनिमाजों गंसे गरिआव एखे दाबायावनो मोखांजों मोखां जिरायानाने बिनि फारसे नायनो हायै थासारिआव भुगिनांगोन बेखौ आं सिमांआवबो सानाखैमोन। फेनदायाव आलो आलो उन्दुलानाय गावनि अनथाव बाथाव फिसाजोनि खर'आव बिलिर बिलिर माखौबा सानहावनाने आंखौ अनिमाया नुनानेबो नुयै भाव होदों। सेराव ज'नाय अनिमानि बिगुमा रिखां दैमारीआ खिरिखिजों मिथिगानि सावगारीखौ नायनायाव मुखुब। लोगो गोमा जानाय सुबुंआ जेरै जायो बेबायदिनो दद्र दुखु निजोम गोसोयै खिरिखिजों मिथिगानि सावगारीखौ नायहरना आंनि गोसोआ सानसि हैबाय बा बोसोर आगोल सानसि बोनाय खरसे बिलोआव। अनजिमाखौ आं रायदावनो गोसो जायाखैमोन। मानोना दिनेसिमबो गोसोनि बोराबनायखौ खेमा खालामनो हायाखै आं। मोनसे लोरबां बुब्लियाव अनिमाया आंखौ गोसो मोदोम जीउ गोरेबपले होनायनि समाय लालायदोंमोन। कलेज फारयनाय समाव गोबां सिखिरि सुबुंफोरानो अनिमाया आंजों हाबा जागोन होना सानदोंमोन। अनिमानि अननायाव बै समाव जोबोत गोथीयै दोबैलांदोंमोन आं। अनिमानि बिमा बिफाया अनिमाया आंजों हाबा जागोनखौ हेंथा दंमोन। बिगुर गैजायै निखावरी आं बायदिनो गावनि अनसुलि फिसाजोखौ हरनो लुबैखानाय नडा बेखौ आं मिथिगामौ। थेवबो प्रेमनि बेनदोंआव मेरायफव जानाय लाय गावखौ बावलांनाने गावनि दंनय गैयै, हानाय हायैखौ अनजाद खालामनो हायाखैमोन आं। आंखालाजों नाखेबे जानाय नख'रखौ एसे हां मोनहोनो आरो थानाने थानायनि दाहायाव देरहानो गोसोआव थपलासे मिजिं लाना मोनसे समाव महाराष्ट्रनि लहा कम्पानिआव खामानि मावनो न'निफ्राय ओंखारलांदोंमोन आं। दानसे खावसे दुदुलानायनि उनाव अनिमानि

बिमा बिफाया बम्बेनि थाव फुंखानि इनजिनियार रिखां दैमारीजों अनिमानि हाबानि रदाय खायो। अनिमाया आंनो बाथ्राखौ लायजामजों फोरमायदोंमोन। लायजामाव फोरमायनाय बादिब्ला- गावलायनो हाबायाव गोसो गैथारा। आंखौ खावनाने लांफेनो खावलाय हरदों.....। बे एखे समावनो आंनि बिनानाव मोनबावदोंमोन। लायमोनआ लायजामाव लिंदोंमोन अनिमानि बिफाया गावनि उन्दै समनि लोगो बडाइगावनि अरबिन्द दैमारीनि गिबि फिसाज्जा रिखां दैमारीनो गावनि फिसाजो अनिमाखौ गथायनाने हैदोंमोन। दा अनिमाया अरबिन्द दैमारीनि बिहामजो.....। लायजामनि रावफोरा गोर्बोआव हांखुरसे बबा दुखु जादोंमोन। खर'खौ सोर सोर गिदिनाय दाखनाथा बायदि मोनदोंमोन आं हायाव बाग्राय-बाग्राय उन्दुनाने होसिखावनो गावखावनो गोसो जादोंमोन आं नाथाय आनि दुखुखौ सोर आय' होननो ? सैथोखौ थगायनाने जेबो मुलाम्फा गैया। गाइगो बाथ्राफोरखौनो आं रोखायै बुजिदोंमोन। बुहुमाव थानाने थानो सोलौनानायनो सुबुंनि मावनं खामानि। : अनिमा, राहुलखौ फोजादो। ओंखारनो सम जाबाय। रिखां दैमारीनि खावलायनाय राव। : जागोन। अनिमानि गुरै गारांजों फिननाय राव। दसे उनाव गोलाव फेफा सुना ट्रेनआ बडाइगाव स्टेस'नाव लाखिबाय। माल्लाबानो अनिमा मोनहा ओंखार लांबायमोन। गोजोन नखर गंसे। रिखां आरो अनिमाया राहुलनि आखायाव साफा साफा हम्ना थाबाय लांबायमोन। अनिमाया आं जनाने थानाय खिरिखि फारसे नायहरदों जोंखोल माखोल आस्थामजों साजायनाय आसिफोरनि आखायजों थाथा हरदोंमोन नामा ? बेनि उनाव बिनि खुगायाव मिनिनाय नुहरदोंमोन आं रिखांआ गंसे टेक्सिखौ आखाय फायखेन हरदों। साथामबो टेक्सिआव गाखोनाने थानायसै। गोसोजों गोसो आंबो अनिमाखौ बिदाय हरदोंमोन। मानोना फिसिनाय दावआ बिरलाब्ला नागिरनाने मोननो हाया। खालि मोननानेबो मोनै दुखुजों गेब्लेनाडेबोल'। हाय ! खाफाल मोजां मोननाया जोबनाव फैयोबोला बेबादि मानो फैयो ?

बै जायगायावनो दिनेबो दंफैयो दैसा सेरनि थरसे अन्थाय मथाफा सायाव बिखुंजों-बिखुं जिरायना सिमां आरो अनजालीया। बिसोरों सासेया सासेनो अननाय होयो, गोसो गोरबोनि खोथा राइज्जालयो। ... बिसोर सानेबो उन्दे समनिफ्रायनो आमाइ जुमाइ गेले लाइदोंमोन। आरो गुदि फरायसालिनिफ्रायनो। सानप्रमबो गामि खाथिनि अलसिआ बाजारवाव बिमा-बिफाजों थांफानाने मेथाय जाखां-लौंखां बिमा बिफाखौ नागरना सानेजों न' फारसे फैयो, अब्ला बिसोर लामा गेजेर मोनफैब्ला फांसे बैग्रि बिफांनि सायाव दसे जिरायनाने फैयोमोन। बिसोर सानेजों जणिल जायै-दुब्रि हाग्रायाबो रानलानाने दुल-दुल जालांलायदोंमोन। दिने जारौ सानाबो बिसोरखौ नुनाने हाबलानो बादों जानांगौ, जायनि जाउनाव खावसे हाबना, खावसेजोंनो

आंखौ बिबिद दासान सिमां। बे जोनोमाव आं नौनि अनगा रावजोंबो जुलि जाया.....। सिमांनि खुगाखौ हम्था हरनाने बुडो अनजालीया अब्ला सिमाडा बुडे। नाथाय नौहा नखराव आंखौ गनाय गोन्दा अनजाली। लामानि बिबायारी होनानाने जोगारनाय नडथ'..... ? सिमां, गुबुना मा सानो आं बिखौ मिथिया। नाथाय आंनि थाखाय नों बिबायारी नडा सिमां। नडा आंनो धोन-दौलद, नांगी आंनो खालि नौनि अननाय, बोजबनाय। आय-आफा, आदामोनहा। रायब्लाबो-बुब्लाबो आं नौखौ जुलि लागोन। आइ लाभ इड स मास सिमां, आइ लाभ इड स मास। मानो बिबिद बुडे, सिमां आं दुखु मोनो। आं दिने नैबे मायद्राशि बान्दोनि दैसाखौ साखि दोनाने बुडे। जौनि मोजां मोनलायनायनि दौलेंआ थबस ज'नांगौब्ला नैबे बान्दोनि दैआनो रानलांगोन

सांनो नोंनो खोथानोसो बावदों आं। दाखलि थानाय बेसागुयाव नोंनि मोजां आरो मेथाय रोजाबनायखौ नुनाने खोनानाने आं आरो आंनि लोगोयाबो जोबोद गोजोनदों। अनजाली.....

मा मावनाने थायामोन अनजालि ? आंनि गोसोआदि सानसे-साने नौखौ नुवाब्लानो जा बायदि नेंथ' मिथियाना स'ना ? आइ एम सरी सिमां / दु इड एंजि उडट मि ? फिलस सिमां। अनाने आंखौ निमाहा हो। नौखौ लोगो हम्नायाथ' गोजान जासिगोन। आरो नौनिमिस बेखौबो फोरामाय हरनो सम मोनाखैदि, आं मेट्रिखौ नैथि थाखोयाव फास जाबाय। कं ग' सु ले स न, अनजाली, रंजनायजों हेण्डसेक लायो सिमांआ। टेंक इड। हायार अनजाली बे साननेआय नों खोनाब्ला दुखुसो मोनगोन जानांगौ सिमां, आफाया आंखौ लाफानाने गुलाहाटीनि कटन कलेजाव मुं थिसनबोबाय। नौनि गोजू सोलौंथाय लानो थानायव आं जेबो दुखु मोना स'ना। नाथाय आंनि आर'ज नों जेन, आंनि अनजालि जानाने थाहैयो, आरो गुबुनि अनजाली जानाय नडा थ' ? नौबो आंखौ बै मायदांश्री बान्दोनि दैसा सेराव

नंखाया आरो जों सानेनि समाय लानाय मोजां मोनलायनाया सिमांखवसो जानांगौ। जौहादि न'ख राव गरिब आरो हावरिया-खावरिया थार। एसेनोसै। अ न ज अ ल य । लाइजामखौ फरायना गाबो आरो दुखुजोंनो बियो गावनि गासिबो देलायग्रा-गानग्रा, जोमग्रा-बिसि जोबनाने गारो आरो ओंखाम जाया लोडा थाबाय

गिबियावनो आं मिथिहोहरनाय जायोदि नौनि अनजालीया आंखौ अननाने नागारदो। आं गुबुनजों जुलि जानोसै बै फैगौ बैसाग दाननि 25 अक्टूबर। नों गुबुनजों हाबा जादों। मा खालामनो स'ना, नौनि नोमा नोमफा मोनहा आंनो नौखौ हरनाय

थायो। आं सिमांखौ जुलि मोनाब्ला कलेज फरायला बियो गावनि हट्टेलनिफ्राय गावनि नसिम फैयो। सिमां अनजालु नों मोजां मोन्नायखौ नंखाय गेलेनाय सान्दों नामा ? सिमां नों आंखौ जुलि लायाब्ला बे जोनोमाव, आंनि सोलेरखि सोरजिखानाय धोन दौलटखौ बैरुगु गैयै आरो मिथिसयै लैथोयाव फोजावहरगोन आं .. आं फोजावहरगोन।



## सुबुं हाबफैखुमानायखौ होबथानोब्ला राभा हासंखौ 6थि फारिलाड़नि मर्यादा होनांगौ: तंकेस्वर राभा

आफादआ जुथायै मोनसे गोनांथार मेल खुलाडे कक्राझारनि मागुरमारि कमिडनिटि हलआव। बे मेलआव राभा हारिनि जेंना आरो मोन्थाइखौ लानानै खुंनाय बे गोनांथार मेलआव गाहाइ आलासि महरै बाहागो लाफैयो राभा हासं परिषदिनि गाहाइ मावफुं सोद्रोमा तंकेस्वर राभाआ। बिथाड बुझेदि, बिटिआरआव राभा हारिनि जेंनाफोरखौ गुवारै बेखेवसारनानै होनायजौं लोगोसे फैगौ बिटिसि बिसायख थियाव राभाफोरा मान बिफाव लागोन बेखौ गोथौवै सावरयनाय जादौं। राभा हासंनि गाहाइ मावफुं सोद्रोमा तंकेस्वर राभाआ बे जुथाइ मेलआव सासे राजखान्थि मावथि महरै मोननै आयदनि सायाव गोनांथि होनानै गावनि राजखान्थि नोजेरखौ गेवलां खालामो होनानै बुडे। बिथाड राभा हासं गावखुंथाइ परिषदखौ फैगौ 2026 माइथायनि बिधान सभा बिसायख थिनि सिगां संजिवरिनि 6थि फारिलाड़नि काउन्सिलआव मर्यादा होनो दाबि दैखाडे। बिधानि बायदियैब्ला राभा हासं काउन्सिलआव आइन बरेखा हाबफैनायफोरनि हेँथायै गोखौ होबथानाय लाबोनेब्ला 6थि फारिलाड़नि अनगायै गुबुन जेबो रहा गैया होनानै बिथाड बुडे। राभा हासं परिषदखौ संबिजिरिनि 6थि फारिलाड़याव फोर्जेखौ सोलिफु बोसोरनि फेब्रुवारी दानआव गिबि मन्थि हिमन्त बिश्व शर्माआ दिल्लीसिम लाइजाम दैशयहरनानै जाय हाबाफारिखौ आजवादीमोन बेखौ तंकेस्वर राभाआ मिजिं लाथावना होनानै बिबुंथि लाखियो। थानाय 1995 माइथायाव गायसंजानाय राभा हासं परिषदखौ संबिजिरिनि 6थि फारिलाड़नि मर्यादाखौ 2026 माइथायनि बिधान सभा बिसायख थिनि सिगां फोसावनो थाखायबो बिजेपि सरकारनिसिम खावलायहरो। जुदि, बेनि उल्थायै थाडेब्ला राभा हासं परिषदिनि सिडव थानाय दरखै बिधान सभा बियाबखौ बिजेपिआ खोमानांदौं होनानैबो सोगोमथि होदौं तंकेस्वर राभाआ। बिथाड राभा हासं परिषदिनि सिडव थानाय दरखै बिधान सभा बियाबआ राभा जुथाइ मन्स नि दखलआव दड होनानै रइज्योआव सरकार दानोब्ला राभा हासंनि बे दरखै बियाबआ बिजेपिनि थाखाय जोबोद गोनांथार होनानै फोरमायो। बेराफासं राभा हासं काउन्सिल 6थि फारिलाड़ मर्यादा मोनागोमानि गावसोरनि सोमावसारनाया सोलिबय थगोन होनानै सांघ्रांथि होदौं खुंथाइ हान्जाखौ।

बेराफासं राभा हासं परिषदआ 6थि फारिलाड़नि मर्यादा मोनायखौ लानानै आसाम सरकारनि मन्थि इडजि ब्रह्मआ बिबुंसारनाय बाथ्राखौ दिने मेलनि गेजेरजौं फिनजाथाइ होयो परिषदिनि गाहाइ मावफुं सोद्रोमा तंकेस्वर राभाआ। बिथाड राभा हासं 6थि फारिलाड़ मर्यादा मोनोब्ला बर'फोरनि सायाव सोनारनांगोन होनानै मन्थि इडजि ब्रह्मआ होनाय बिबुंथिखौ गोख्रोडे सांखारिनानै मन्थि ब्रह्मनि बिबुंसारआ राभाफोरनि माहारियारि सोमावसारनायखौ गोसोआव दुखु होदौं होनानै बुडे। सासे बिबान गोनां मन्थि जानाने बे रोखोम बिबुंथि होनाया गयनायथाव जायाखै, मानोना मन्थि सासेनि बिबानआ आसामनि गासैबो हारि-माहारिनि फासं मोजोमनाय थानांगोमो। नाथाय मन्थि ब्रह्मजौं गावनि सोमोन्दोआ मोजां होनानै मन्थि ब्रह्मनि बबेबा मोनसे गावखुंथाइ परिषदआव जायखि-जाया मोनसे हारिया दुखु मोन्नाड बे रोखोम बिबुंथि होनो नाड होनानै दिने मेलनि गेजेरजौं गेवलाडे फिनजाथाइ होयो। फैगौ उफ्रा बिसायख थियाव रइज्योनि दर 5 बियाबनि मोन 4 आ बिजेपि जुथाइ हान्जानि दखलआव थगोन होनानैबो बिथाड दाबि खालामो। मेलआव बाहागो लानाय आरसुनि मिरु आफादगिरि, नेहाथारि फारियै- मतिलाल राभा आरो उ सुभाष राभाआ राभा हासं परिषदआ 6थि फारिलाड़नि मर्यादा मोनी आगानसे आवगायनाय समाव मन्थि इडजि ब्रह्मआ राभा हासंआ 6थि फारिलाड़याव जायगा मोनोब्ला बर'फोरनि सायावसो सोनारनांगोन होनानै बिबुंथि होनायखौ दुखुनांथावना होनानै फिनजाथाइ होयो। फरायसा दैदेनगिरि सानैआ बुंवाबोदि, बर' आरो राभाफोरा बिदा-फंबाय सोमोन्दोनि सुबुंफोर। बिब्दिआव मन्थि ब्रह्मआ 6थि फारिलाड़नि दाबिखौ लानानै राभा हारिनि गोसो आरो सान्नायाव बिधानि बिबुंथि होनाया सांखारिजाथाव। मन्थि ब्रह्मआ राभाफोरनि फासं हेँथा फेनायनि बाथ्रा सानालासे मदत होनायनि बाथ्रा सान्नायासो गाहाम होनानै आरसु दैदेनगिरिफोरा बुडे। बेफोर बायदि बाथ्राफोरानो फैगौ समफोराव बिसोरनि फासं जेरैबायदिनै समान सान्नाय-हनाय दडमोन बेयो गोजान जालांगोन होनानै सांघ्रांथि होयो। दिनेनि बे मेलआव राभा हासं 6थि फारिलाड़ दाबि आफादनि आफादगिरि दर्शानन राभा, गाहाइ नेहाथारि अशक राभा, दुलाराय राभा आइजो आफादनि लेडाइ आफादगिरि शेवालि राभा आरो नेहाथारि कबिता राभामोन्खौ लानानै गोबांथार दैदेनगिरिफोरा बाहागो लादौंमोन।

## रुपहि दैमानि निजोम गाथोनाव वाथोन थुनलाइयारि जख'न्थाइनि 19थि थुनलाइयारि जख'न्थाइ खुदौं

जख'न्थाइनि 19थि थुनलाइयारि आहाया रुपहि बियाब बाथो गौथुम, 2थि काति माइनाव बाथो खेराइ आरो मेला खुंफुं आफादनि बान्जायनायाव रुपहि बियाबनि बाथो सिबिसालिनि लांगोनायाव जानानै थाडे। मख'नो गोनांदि, बे 19थि बाथोन थुनलाइयारि जख'न्थाइनि 19थि थुनलाइयारि जख'न्थाइखौ समाज सिबियारि, धोरामगिरि, लिरगिरि आबौ खबाम राजा उत्तम चन्द्र खेरकाटारिनि गोसोखांथियाव खुंफुंनाय जायो। अदेबादि बे जख'न्थाइयाव गावनि सोरजिनाय खन्थाइ, रायाथ, सुंद' सल', सल' बाथा आरो फेस्ता फरायथिनाय हाबाफारिखौ रुपहि बियाबनि बाथो सिबिसालिनि लांगोनायाव खुंफुंजे। बे मेहेरगोनां हाबाफारियाव बाहागो लाफैयो भुटान हादतनिफ्राय रिचाण काडु बारग' बिबुंफोरा पारु इडनिभारसिटी अफ रयाल भुटान, भारत सरकारनिफ्राय हायुंआरि बान्था लाइमोन साहित्य अकादेमि बान्था मोनगिरि पुरन' ब्रह्म, बर' थुनलाइ आफादनिफ्राय समेस्वरि बान्था मोनगिरि हांखाइ उजिर, निनगोमा बसुमतारि आरो बोरसि थुनलाइ गाथोन, हादान थुनलाइयारि आहा, फुंखा थुनलाइयारि गौथुमनि आफादगिरि, नेहाथारि आरो गोबां गोदान-गोजाम लिरगिरिफोर। मोनाबिलि समाव रुपहि दैमानि गाथोनाव समाइना निजोम थावनियाव बे खन्थाइ, सुंद' सल', फेस्ता फरायथिनाय हाबाफारिया आसिन दाननि समाइना गुफुर-गुफुर खासि बिबारनि बिलिरनायाव मेहेरगोनांङेजालाडे। मख'नो गोनांदि, भुटाननिफ्राय फेनाय रिचाण काडुआ गावनि खन्थाइनि गेजेरजौं बर'नि गाहाइ धोराम बाथौ धोरामखौ लानानै खन्थाइ आवरायनायखौ नुनो मोन्नाय जायो। लोगोसे भुटान हादत आरो भारत हादतनि लोगोयारि सोमोन्दै बिबुंथिनि गेजेरजौं फोरमायो।

## सालबारिनि कुटुरिझाराव स्मार्ट मिटारनि हेँथायै राइजो-राजाफोरा सोमावसारदौं

हाबाफारि खुंदौं। साननि 3:00 रिगानिफ्राय कुटुरिझारनि लामायवा गसै 1 घन्टा नडै सोमावसारनाय हाबाफारियाव एपिडिसिएल हाय-हाय, स्मार्ट मिटारखौ नड, स्मार्ट मिटार बन्द' खालाम, राइजोफोरनि सायाव एपिडिसिएलनि लुथिनायखौ बन्द' खालाम बायदि एपिडिसिएल आरो सरकार बरेखा बायदि स्ल'गान होनानै हेँथा सोमावसारनाय जायगाखौ सोमावसारगिरि राइजो-राजाफोर दुहाव खालामो। हेँथा सोमावसारनाय जायगायाव राइजो-राजाफोर अजद होदौंदि, स्मार्ट मिटार लगायनायनि उनाव सरसनस्त्रा थाखोनि सुबुंफोरनिफ्रायबो 3 रेजा रॉसिम मॉब्लिब मासुल गथायनांनयाव जेंना-जेंसिजौं मोगा-मोगि जानो गोनां जादौं। एपिडिसिएलनिफ्राय कुटुरिझार ओन्सोलनिफ्राय थाबैनो गंफ्रोमबो न'नि स्मार्ट मिटारफोरखौ खुलिना होनो सोमावसारनाय राइजो-राजाफोरा खावलायदौं। फारसेथि, मोब्लिब बिल गथायनाय एपिडिसिएलनि मावसुमाफोर बांसिनथारै मोब्लिब बिल फेनायनि सोमोन्दै बिफानारिनि फोरमायगोन होना मिबथिहोदौं।

## कक्राझार मेडिकेल कलेजआव आरजि कर जाथायनि हेँथायै फाहामगिरिफोरा सोमावसारदौं

कलेज आरो हस्पिटालनि फाहामगिरिफोय दिने फुर्बिलिनिफ्राय सान हाबजासिम सानसेनि हाबाफारिजौं फाहामथाइ सिबिथाइ होनायनिफ्राय जानगाराव थायो। सोमावसारनाय समाव फाहामगिरिफोरा सोनाब बंग सरकार आरो भारत सरकारनिसिम गावसोरनि थार दाबिफोरखौ मावफुंनो खावलायो।

मख'नो गोनांदि, इन्डियन मेडिकेल एस'सिएसन (आइएमए) कक्राझार दालाइ आफादनि बान्जायनायाव दिने 12 घन्टनि बे बरेखा सोमावसारनाय हाबाफारिखौ गाहामै गाहाम फालिफुडे होनानै मिबथिनो मोनाय जादौं।

## गसाइगावयाव लामानि जाब्रबथायाव सासे सुबुंनि जिउख'हा

धमेश्वर रायनि फिसाज्ला बिस्वजित राय (43) होनानै सिनायथिदौं। मख'नो गोनांदि, थानाय हराव बियो गसाइगाव हाथायनिफ्राय एएस 01 एम ए 6385 नम्बरनि मथर साइकेलजौं न'आव फैबाय थनाय समावनो हरनि 8:00 रिगासोयाव न'नि साखाथियावनो जाब्रबथाय जादौंमोन। जाब्रबथायाव जोखोम जानाय बिस्वजित रायखौ जायगानि राइजो-राजाफोर गोख्रौं गसाइगाव आरएनबि फाहामसालिसिम लानानै थाडेब्लाबो देहा थासारिखौ गोब्राबथार नुनानै फाहामगिरिआ गुदि फाहामथाय होनानै गोजौं फाहामथायनि थाखाय बाइजोयाव लांनायनि बोसोन होयो। बे बायदियैनो नख'रनि सुबुंफोर बिखौ सोनाब बंग'सिम लानानै थानाय समाव लामायावनो जिउ गोमायो। जायनि उनाव गोथै सह'खौ कक्राझारसिम लाबोफिनिानै दिने फुडाव कक्राझाराव पस्टमार्टेम आन्जाद खालामखांनायनि उनाव मोनाबिलियाव गसाइगावनि दलगावयाव थनाय गोथैसालियाव जोबथा बिदाय होयो। मख'नो गोनांदि, बि सुबुंआ गोबाव सान नाडेनिफ्राय कचुगाव सोलौंथाइ खोन्दोनि सिडव थानाय बि.के. ठापु एम.इ. स्कुलयाव (सरकारि नडै) गाहाइ फोरंगिरि महरै खामानि मावगासिनो दडमोन। सासे उन्दै फिसाज्ला, बिसि आरो बिमाखौ बे संसारनिफ्राय आबथिरायै जिउ गोमानाय नख'रनि गेजेराव दुखुनि थासारि सोमजिदौं। बिस्वजित रायनि जिउ गोमानायाव अल भेन्सार इलेमेन्टारि टिसासं एससियेसनआ गोथौयै दुखु फोरमायनानै नख'रनिरिसिम दुखु फोरमायथि हरदौं।

## महाराष्ट्र आरो झारखान्द बिधान सभा बिसायख थिनि अक्टखौ फोसावबाय

बिगियान भवनयाव खौरंगिरि मेल खुंनानै बिसायख थिनि सानखौ फोसावना होयो। बेबायदियै झारखान्द बिधान सभा बिसायख थिखौ गसै मोनै खोलोबयाव खुंनाय जागोन। गिबि खोलोबनि भट थुनायखौ 13 नभेम्बर आरो नैथि खोलोबनि भट थुनाया 20 नभेम्बर खुंजागोन। मोन 81 मासिनि झारखान्द बिधान सभानि बे बिसायख थियाव गसै 2.60 कोटि भटरफोर दड। बेनिनो 1.31 कोटिआ होवा आरो 2.29 कोटिआ आइजो भटर होना फोरमायदौं। फारसेथि, रइज्योआव बे खेबाव गिबि खेबनि थाखाय 11.82 लाक भटरफोर भट थुगोन। बेनि अनगायैबो लाइमोन भटरनि अन्जिमाया 66.84 लाख। रइज्योआव नमिनेसनलाइ गथायनायनि जोबथा अक्टखौ सैथि खोलोबनि थाखाय 25 अक्टबर आरो नैथि खोलोबनि थाखाय 29 अक्टबरखौ थि खालामदौं। बेबायदिनो नमिनेसनलाइ बोखारनायनि जोबथा अक्टखौ फारियै 30 अक्टबर आरो 1 नभेम्बरखौ थि खालामदौं। महाराष्ट्र बिधान सभा बिसायख थिआ मोनसे खोलोबयावनो फैगौ 20 नभेम्बरखालि खुंजागोन। रइज्योआव 22 अक्टबरवाव बिथोनमाया फोसावजागोन। बिजाथिफोरनि नमिनेसनलाइ गथायनायनि अक्टखौ 29 अक्टबरथि थि खालामदौं। नमिनेसनलाइ बोखारनायनि जोबथा अक्टआ 4 नभेम्बर आरो दरनैबो रइज्योनिनो भट सान्नाया 23 नभेम्बरवाव खुंजागोन।

## आसामनि दर 5 बिधान सभा बियाबआव फैगौ 13 नभेम्बरवाव उफ्रा बिसायख थि खुंजागोन

बायदियै फैगौ 13 नभेम्बरवाव आसामआव दर 5 बिधान सभा बियाब फारियै- चामुगुरि, सिदली, बिहाली, बडइगाव आरो दलाइआव उफ्रा बिसायख थि खुंजागोन। बेनि थाखाय फैगौ 18 अक्टबरवाव बिसायख थिनि बिथोनमाया जागायजेनगोन। 25 अक्टबरखालि नमिनेसनलाइ गथायनायनि जोबथा अक्ट, बेबायदिनो 30 अक्टबरनि गेजेराव नमिनेसनलाइ बोखारनायनि जोबथा अक्टखौ थि खालामना होदौं। 23 नभेम्बरवाव बिसायख थिनि फिथाइखौ फोसावनाय जागोन। मख'नो गोनांदि, लकसभा बिसायख थियाव चामुगुरि बियाबनि एमएलए रिकबुल हुसेन, बिहाली बियाबनि एमएलए रंजित दत्त, बडइगाव बियाबनि एमएलए फनिभुषन चौधुरी, सिदली बियाबनि एमएलए जयन्त बसुमतारि आरो दलाइ बियाबनि एमएलए आरो मन्थि परिमल सुब्लबैद्यआ बिसायख थि बादायलायनानै लकसभासिम बिसायख'जानायाव बे बियाबफोरवाव उफ्रा बिसायख थि खुंजांनंगौआ रोखा जानानै दडमोन।

## जन-विरवनाथ जिल्लानि सैमि फाइनाल

### बादायलायनाया जोबलांवाय

हिन्जावसाफोरनि जोलुर बादायलायनाय-2024 खौ थानाय 2 अक्टबर, 2024 खालि बाक्सा जिल्लानि मुसलपुर गोजौंसिन गेजेरारि फरायसालिनि गेलेग्रा फोथाराव बेखेवजेनाय जादौंमोन। बे बादायलायनायखौ मोनै जनआव खुंनाय जादौं। बेबादिनो मोनसे जन बिस्वनाथ जिल्लानि न'दुवार दख'रनि सिडव थानाय सोरां गेजेर आरो गोजौं फरायसालिनि गेलेग्रा फोथाराव 13 अक्टबरनिफ्राय खुंजानाय 3थि सानाव दिने सैमि फाइनाल बादायलायनाय जायो। दिने थामथि सानखालि 1थि खेब हिजावसाफोरनि सैमि फाइनाल जोलुर बादायलायनाया अदालगुरि जिल्ला एबसु आरो कार्बि आलं जिल्ला एबसुनि गेलेगिरि हान्जानि गेजेराव जायो आरो अदालगुरिनि हान्जाया 2 गलनि फारागथिजौं देरहासाद जानो हायो। बे बादायलायनायाव साबसिन गेलेगिरि महरै अदालगुरिनि गेलेगिरि नेहेरिसा बर'आ सायख' जायो। बान्थाखौ गथायो दुलाराय बर' फरायसा आफादनि बोसोनगिरि खुंखा स्वर्गियारिआ। आरोबाव 3थि 13 बोसोर बैसो सिंनि होवासाफोरनि सैमि फाइनाल जोलुर बादायलायनाया कार्बि आलं जिल्ला एबसु आरो सनितपुर जिल्ला एबसुनि गेलेगिरि हान्जानि गेजेराव जायो आरो कार्बि आलंनि हान्जाया 4-1 गलनि फारागथिजौं देरहासाद जानो हायो। साबसिन गेलेगिरि महरै सनितपुर जिल्लानि जाफुंसार मसाहारीआ सायख' जायो। बान्थाखौ गथायो दुलाराय बर' फरायसा आफादनि बोसोनरि खुंखा स्वर्गियारिआ।

## फैगौ 13 नभेम्बरवाव आसामनि दर 5 बियाबआव उफ्रा बिसायख थि खुंजागोन

दलाइ बियाबआव धूबज्यति पुरकाइस्टनो टिकेट गथायगोनआ रोखा जाबाय। बेबायदिनो चामगुरि बियाबआव एमपि रिकबुल हुसेनिनि फिसाज्ला तानजिल हुसेनिनि बिजाथि मोन्नाया रोखा जाबाय। सिदली बियाबआव रोखा जाबाय आसुनि बारग' आफादगिरि प्रबिन बर'नि बिजाथिया। फारसेथि बडइगाव बिधान सभा बियाबआव ब्रजेनजित सिन्हानि मुंखौ रोखा खालामबाव कंग्रेसआ। बिहाली बियाबनि थाखाइ पेनेलयाव प्रेमलाल गुन्जु, बर्नाली पुकन आरो दिलीप बरुवामोनहा मुडज दड। बिहाली बियाबआव एमपि गौरब गौआ आथिखालाव बिसायख थि फोसावदिनायखौ नुनो मोन्नाय जाबाय। मख'नो गोनांदि, बडइगाव बियाबखौ 'आसाम सन्मिलित मर्चा'नि बाहागोदारि दोलो 'रइज्यर दल'आ हास्थायदौं। बे बिथिडव कंग्रेसआ रइज्यर दलजौं सावरयलायगोन होनानै मिबथिनो मोन्नाय जादौं। मख'नो गोनांदि, चामगुरि, दलाइ, बडइगाव, बिहाली आरो सिदली बियाबनि उफ्रा बिसायख थिनि सानखौ बिसायख थि आयगआ दिने फोसावना होबाय। फसावनाय बायदियै फैगौ 13 नभेम्बरखालि दर 5 बियाबआव बिसायख थिआ खुंजागोन। 23 नभेम्बरवाव भट सान्नाय हाबाफारिखौ खुंनाय जागोन। बिसायख थि आयगनि फोसावनाय बायदियै फैगौ 18 अक्टबरनिफ्राय बिसायख थिनि बिथोनमाया जागायजेनगोन। 25 अक्टबरखालि नमिनेसन थिसन्यायनि जोबथा अक्टखौ थि खालामनाय जादौं, लोगोसेनि 30 अक्टबरवाव नमिनेसनलाइखौ बोखारनायनि जोबथा सान थि खालामदौं।

## मानासनि पानबारि रेन्जयाव बेसेननाडैः

### मेगनि फाहामथाय बादा खुंदौं

रेन्ज बिफाननि हेफाजाबाव गुवाहाटीनि श्रीशंकरदेव नेत्रालयनि फाहामगिरिनि गेजेरजौं दिने सानसेनि बेसेननाडै मेगन आन्जाद नायनाय बादा खुंनाय जादौं। साननि 10:00 रिगानिफ्राय पानबारि रेन्जनि मेल जथुमसालियाव खुंनाय बेसेननाडै मेगन फाहामथाय बादाखौ जागायजेनयावनो हाबाफारि बायदियै बादानि मददगिरि काजल चौधुरीआ बेखेवना होयो। बेखेवनाय हाबाफारियाव आलासि महरै मानस माहारियारि पार्कनि रेन्जार दैमालु गयारिआ बाहागो लाफैदौं। साननि 3:00 रिगासिम खुंनाय बेसेन नाडै मेगन फाहामथाय बादायाव गुवाहाटीनि श्री शंकरदेव नेत्रालयनि फाहामगिरि फारियै- एहसानुल इस्लाम, सौरभ लहकर, वासिम आहमेद, अरिन्दम शर्मा, कृष्ण शर्मा, नीलिमेस शर्मा, मेगन फाहामथाय मावफारिया निपु महन्त, ऋषिकेश कुमार गौतम, कैलास राजबंसिमोनहा बाहागो लादौं। मख'नो गोनांदि, बादायाव मानस माहारियारि पार्कनि पानबारि रेन्जनि बिबानगिरि, मावसुमा रेन्जनि साखाथि ओन्सोलफोराव जिउ खानाय 200 निखुइ बांसिन सुबुंफोरा मेगन आन्जाद नायो। बेनि अनगायैबो बादायाव फाहामथाय आजवावनाय मेगननि गोब्राब बेरामयाव सन्देर जानाय बेरामफोरखौ इयुन समाव गुवाहाटीनि श्रीशंकरदेव नेत्रालयाव बेसेन नाडै गोजौं फाहामथाय होगोन होनानैबो बादानि बान्जायगिरिआ सिमबथिहोयो। मख'नो गोनांदि, मानस बिधान सभा बियाबनि बरतारि गामिनि थागिरिआ आरो मेगन फाहामथाय बादानि मददगिरि काजल चौधुरीनो बिधानि गोबाव साननाडै गुबुन गुबुन ओन्सोलयाव गोबां बेसेन नाडै मेगननि फाहामथाय बादा खुंनानै सुबुं सम्पद रेखाथिनि सिबिथाय होनायनि थाखाय बादायाव मानस टाइगर प्रजेक्ट आरो मानस माहारियारि पार्कनि पानबारि रेन्ज बिफाननिफ्राय मान बिलाइ, शराइ, अर'नाइ, दंफानि लावथिजौं जर'खायै रेन्जार दैमालु गयारिआ मान बाउयो।

## जनाइ हालामआरि फरायसालिमा बर' फरायसा थुनलाइआरि आफादनि बान्जायनायाव खुंगा 7थि सिनायथि सान खुदौं

मनराम मुसाहारिआ। बेनि उनाव बिफां फुलि गायजेनो जनाइ' दखरा दुलाराय बर' फरायसा आफादनि हारिसु नेहाथारि सबित मुसाहारिआ। हाबाफारि बायदियै बड'फानि सावगारियाव बिबार बाउजेनो जनाइ हिन्जावसा फरायसालिमानि बर' बिफाननि बिबुंगोरा बिरबल बसुमतारीआ। दिनेनि बे खुंगा 7 थि सिनायथि साननि गेवलां मेलाव जनाइ दखरा दुलाराय बर' फरायसा आफादनि आफादगिरि मनराम मुसाहारि बिधानि आफादगिरि मासि लानायाव मेलखौ बेखेवनानै होनानै धेमाजि जिल्ला दुलाराय बर' फरायसा आफादनि गाहाइ नेहाथारि उदां बि बडसाया फरायसाफोरनि थांखि आरो नोजेरनि सायाव मेहेर गोनाडै बिबुंथि लाखियो। हाबाफारियावनो गाहाइ आलासि महरै दुलाराय बर' फरायसा आफादनि नेहाथारि बडसा ब्रह्मआ सोलौंथाइ आरो थांखि लानायाव गावखौ साहज लानानै फरायनो नांगोन, नौं जायखि थांखिखौ होसोनो नागिरनानै सोलौंथाइ लादौं बेवहाय नौं जेब्लाबो सम होथारनांगी नडब्ला इयुन समाव नौं फैलार जागोन होनानै बेसेन गोसा थुलुंगाखां बिबुंथि लाखियो। मुरकंसेलेक फरायसालिमायाव सानसेनि हाबाफारिजौं खुंफुंनाय खुंगा 7 थि सिनायथि सानाव गसै मोनब्रे फरायसालिमानि बर' बिफाननि फरायसाफोरा बाहागो लानानै बायदि रंजानाय, बादायलायनाय हाबाफारिजौं लोगोसे गोदानै फेनाय फरायसाफोरखौ सिनायथि लानायबो जायो। जनाइ हालामारि बर' फरायसा थुनलाइआरि आफादनि गोदानै से बोसोरनि थाखाय हाजोमा बर' आरो गाहाइ नेहाथारि महरै रसमि थुलसियारिखौ बिबान होयो। मख'नो गोनांदि, जनाइ हालामाव थानाय मोनफ्रोमबो फरायसालिमायाव बर' बिजौंनि फरायसाफोरा बेबादि फरायसालिमानि थुनलाइ आफादनि दैदेनयाव खोसेथि रोंगौथि बांहोनायखौ नुनो मोन्नाय जादौं। दिनेनि हाबाफारियाव धेमाजि जिल्ला दुलाराय बर' फरायसा आफादनि लेडाइ आफादगिरि सुरजित नार्जरीआबो बाहागो लानानै फरायसाफोरखौ मेहेर गोनां बिबुंथिजौं इयुन जोलैफोरखौ खौसेयाव लाबोनांगौनि थाखाय बेसेन गोनां बिबुंथि होयो। जनाइ हालामारि फरायसालिमा बर' थुनलाइआरि आफादनि बान्जायनायाव दिनेनि सिनायथि फोरबोआव धेमाजि जिल्ला दुलाराय बर' आइजो अनसाय आफादनि बारग' आफादगिरि फुलेसरि दैमारि, जनाइ दखरा दुलाराय बर' फरायसा आफादनि बायदि बायदि बिबानाव थानाय मावथि सोद्रोमाजौं लोगोसे फरायसालिमानि बर' बिफाननि फरायसाफोरा बाहागो लानानै हाबाफारिखौ जाफुंसार जाहोयो।

## मिरु एबसुजौं बान्जाय जानाय 13 बोसोर बैसो सिंनि जोबथा जोलुर गेलेनाय बादायलाइनाया 19 अक्टबरवाव खुंफुं जागोन

फरायसालिनि गेलेग्रा फोथाराव खुंजागिसिनो दं। उन्दै लाइमोनफोरखौ गेलेनायजौं गावारि जिउ राहा दानायजौं लोगोसे हारिखौ बुहुमाव सिनायथि होनाय, फेग्रा मुवा बाहायनायनिफ्राय लाइमोनफोरखौ जानगाराव दोन्नाय, गोमगो देहा आरो आखल दानाय आरोबाव गुन गोनां सोलौंथाइ लाहोनाय बायदि बिथिफोरखौ नोजेराव दोन्नाय खुंफुंजानाय बे जोलुर गेलेनाय बादायलायनाया देम्लाय बोसोराव मोनै ओन्सोल फारियै मुसलपुर गोजौंसिन गेजेरारि फरायसालिनि गेलेग्रा फोथार (बाक्सा) आरो सोरां गोजौं फरायसालिनि गेलेग्रा फोथार (बिश्वनाथ) आव खुंफुं जागासिनो दं। बेबादिनो मंगलबारखालि होवासा आरो हिन्जावसा हान्जानि सैमि फाइनाल गेलेनाय बादायलाइनाया जानानै थांडे। बे सैमि फाइनाल गेलेनायाव बादायलाइनायखौ फिक आफ खालामानानै बेखेवनानै होयो बाक्सा जिल्ला एबसुनि बारग' लोमगो आफादगिरि दैथुन ब्रह्मआ। बे सैमि फाइनाल गेलेनाय बादाइलायनायाव कक्राझार जिल्ला हिन्जावसा हान्जाया बाक्सा जिल्ला हिन्जावसा हान्जाखौ खौ 8-0 गलाव आरो कामरुप मेट्र जिल्ला एबसुखौ कक्राझार जिल्ला एबसुआ ट्राइबेकारनि जोहै 2-0 गलाव फेजेनो। बे गेलेनाय बादायलायनायाव कक्राझार जिल्ला हिन्जावसा हान्जानि क्रिटिका हाजवारि आरो गौतम कछारिनि साबसिन गेलेगिरि बान्थाखौ होनाय जायो। मिबथिनो गोनांदि, बे जोलुर गेलेनाय बादायलायनायनि जोबथा गेलेनाय बादायलाइनाया 17 अक्टबर खालारखालि खुंजानो गोनां मोनब्लाबो बेखौ खायसे एंगार हायै जाहोननि थाखाय बैहैथि दाननिनो 19 अक्टबरवाव खुंनाय जागोन होनानै मिरु एबसुनि लोमगो गाहाइ नेहाथारि दिनेश ब्रह्मआ फोरमायदौं। बेनिखायनो गसैबो जोलुर गेलेनाय बादायलायनाय नायनो मोजां मोनग्रा राइजो-राजाफोरखौ फैगौ 19 अक्टबर खालारखालि मुसलपुर हायार सेकेण्डारि गेलेग्रा फोथाराव लैहोर लैहोर फेनानै मदत हाफेनो खावलाय हरदौं।



# गाहाम देहानि राहा

## उदै खालिआव जिरानि दैआ मुलिन हाबा मावो

जिराआ आदारनि थावनायखौ गोथाव खालामनायजौ लोगोसे जौनि देहायाव मुलाम्फाबो लाबोयो। मुलियारि गुनफोरजौ बुंफबनाय जिरानि दैआ जौनि देहानि थाखाय अमृतबादि हाबा मावो। सानफ्रोमबो उदै खालिआव जिरानि दै लोडोब्ला सप्ताहसेनि गोजेरावोने बेनि फिथाइनि फोरमानखौ मोनो हागौ। जिरानि बिदैखौ थियायि खालामनो थाखाय सामुचसे जिअआव गिलाससे दै होनागौ आरो बेखौ 5-10 मिनटसो रुना नै दोनांगौ। बेनि उनाव साबसिन मुलाम्फानि थाखाय बेखौ फुडाव फिल्टर खालामनानै लौनांगौ। बेबादि खालामना लोडोब्ला जौनि देहानि होबथानो हानाय गोहोआ



गोखौंसिन जायो। बेजौ लोगोसे देहानि लिस्थाय खमायनायावबो गोलै जानो हागौ। मानोना जिराआव मोननाय गुदि मुवाफोर देहानि मे टाबलिजिमखौ बांहोनायाव मुलाम्फा होनो हागौ। हारानि सावस्त्रिखौ गोखौ खालामनो लुबैयोब्ला जिरानि दै लौनाया मुलाम्फा गोनां। बेजौ लोगोसे बेनि दैया ब्लाड सुगारनि लेभेलखौबो समानथियाव लाखियो आरो

डाइजेसन सिस्टेमखौबो मोजो खालामो। मख 'नाय जायोदि, जिआआव भिटाडामिन-ए, भिटाडामिन-इ आरो भिटाडामिन-केनि अनगायै गोबां पुस्टि गोनां गुदि मुवाफोरखौ मोननाय जायो। एन्टि अक्सिडेन्ट आरो एन्टि इनफ्लेमेटरिजौ बुंफबनाय जिरानि दैखौ लोडोब्ला अभाअल देहायावो मुलाम्फा मोननायबादि जायो।

# फेमिना मिस इन्डिया 2024 एवार्डआव सा-सान्जानि हायेनारिफोरनि मेहेरगोनां दिन्थिफुंनय

11 अक्टूबरखालि

मुम्बाइयाव खुंफुंनय फेमिना मिस इन्डिया 2024 एवार्ड नाइटआव सा-सान्जा भारतनि थाखाय मोनसे मख 'जाथाव जाफुंसारनायखौ नुनो मोननाय जादो, मानोना बे ओन्सोलनि बादायारिफोर माखासे बान्था देरहानो हादो। पेजेन्टनि 60थि बोसोसालियानि हाबाफारियाव एवा बे बोसोरनि हाबाफारियाव हादतनि गासिबो जायगानिफ्राय बाहागो लाफेदो। अरुणाचल प्रदेशनि तदु लुनियानि एनआइएफ ग्लबेल मिस टेलेन्टेडनि महाराव देरहासार जादो। अदेबानि मिजरागनि लालाभम्पुइआ रजनिगन्धा पार्लस मिस गुडनेस एम्बसाडरनि बान्था मोनो हादो। त्रिपुगनि निकिता घषआ बेनेट इडनिभासिदि मिस आइक्यु बान्था देरहानानै गावनि टेलेन्टेडो दिन्थिनो हादो। बे



समाइना हाबाफारियाव मोन 30 रइज्योनि देरहागिरिफोर गुरुबुन गुरुबुन बादायलायनायावबो बाहागो लादो। दिल्लीनि सिफि सारंगआ टप्स मिस

लाइफस्टाइलनि बान्थाखौ गावनि मुं खालामनो हादो। बबेखानि अन्ध प्रदेशनि भाभ्या रेडुआ नारायण ज्वेलास मिस शाइनि स्टारनि बान्थाखौ गावनि

मुं खालामदो। झारखान्दनि रिया नन्दिनिआ यशदा सुपार स्पेशिएलिटी हस्पिटल्स फिट एन्ड फेबुलास बान्थाखौ देरहादो। छत्तिसगढ़नि भिशाखा

रायखौ चिकनुट्रिक्स मिस रेडियन्ट पार्सनेलिटीनि महाराव मान बाउदो। मख 'नो गोनादि, रेखा पान्डेआ टाइम्स मिस फटजेनिक आरो टाइम्स मिस विफटिफुल स्माइल मोनैयावबो बान्था देरहानो हादो। एवार्डस नाइटआव फेशन आरो एन्टरटेनमेन्टखौ बादायारिफोर मोजाडै नो दिन्थिफुंनो मोन। राइज्योनि देरहागिरिफोर भावना रावनि 'डिस्क रेन्डेजभस' आव रेम्पखौ मेहेरगोनांखालामो। डेलरज बुनशाहआबो गोमोथाव पारफर्म खालामना दिन्थिदोमोन। सचिन कुमारआ बे हाबाफारियाव एंकरनि बिबानखौ सामलायदोमोन।

## सलमान खाननि क-स्टार जाबोनाय अतुल परचुरेआ जिउगोमाबाय

मुंदांखा फावखुंगुर अतुल परचुरेआ समबारखालि जिउ गोमाबाय। बिथाड 57 बोसोर बैसोआव जोबथा हां बोयो। बिथाडा गोबाव समनिफ्रायनो केन्सार्जो भुगिनानै दडमोन। अदेबानि गावनि जन्ना जानायनि सायाव बिथाडा रेखाबो मोनबायमोन आरो



सिगांनि बायदि खामानिबो मावफिनबायमोन। नाथाय बिथानि देहायाव केन्सार्नि जाहोनाव गात्रि जानो हयो। अतुल परचुरेआ माखासे मारटि स्व 'फोराव गावनि फावजौ नायगिरिफोरनि गोसोआव जायगा बानायनो हादो। बेजौ लोगोसेनो बिथाडा माखासे हिन्दीनि स्व 'फोरावबो खामानि मावदोमोन। बिथाडा 'भागो मोहन प्यारे', दा कपिल शर्मा

आरो टिभि) आव जाफुंसारनायमोन। बावैसो सिगां बिथाडा सुरचलि पिल्लाइ मुनि थिएटर ड्रामायाव खामानि माववो फोसावदोमोन। बे स्व 'आ 22 सेप्टेम्बरनिफ्राय जागायदो। बेनि गोजेरावोने अतुल परचुरेनि जिउ गोमानाया बिथानि क-स्टारफोरनि थाखाय मोनसे दुखुनांथाव जाथाय जादो। 1966 माइथायनि 30 नभेम्बरखालि पुणेआव जोनोम

मोनाय अतुल परचुरेआ उदै बैसोआवोने एक्टर जागोनो होना थांखि लादोमोन। बिथाडा टिभि आरो सावथुनफोराव खामानि मावनायखौ जागायदोमोन। अतुल परचुरेआ स्वास, हलाल, ये है मुम्बाइ मेरी जान बायदि सावथुनफोराव खामानि मावदोमोन। अतुल परचुरेआ 'बिल्लु' सावथुनाव शाहरुख खानजौ लोगोसे रिक्कन स्पेस शोयार खालामदोमोन। बेनि अनगायैबो बिथाडा 'पार्टनर' सावथुनआव सलमान खानजौ आओ 'अल दा बेस्ट' आव अजय दे भगानजौ लोगोसे नुजाथिखांबाय। हिन्दी आरो मारटि टिभि स्व 'फोराव अतुल परचुरेआ माखासे मुंदांखा स्व 'आवबो खामानि मावदोमोन।

## पल श्रेडारआ 'जकार 2' सावथुनखौ लानानै माखासे बाथा फोरमायदो



हलिउड आमेरिकानि रिक्कनप्ले, लिगिगि आरो सावथुन दिहनिगि पल जसेफ श्रेडारआ 2019 माइथायव फैन्याय 'जकार' आरो 'जकार 2' सावथुनखौ लानानै माखासे बाथाफोरनिफ्राय परदा दिखोना होदो। बिथाडा गासिबो सावथुनखौ नायजोबा बालानो शपि खालामहैनो गोसो जादोमोन आरो सावथुनखौ नागारानानै माबाफोर बायनो थाखाय थियेटरनिफ्राय बायजोआव ऑखार लाडो। बेनि

अनगायैबो 'जकार 2' नि मेथाइफोरखौबो बिथानो मोजो मोनाखैमोन। मिडिया रिपर्टसनि बायदिब्ला, सावथुननि बिथानिगिगि आरो लिगिगि पलआ मिबथिहोयोदि, बिथानो 2019 आव रिजिज जानाय सावथुन जकारखौ नायनो थांदोमोन। पलआ बुडोदि, 'आं बेनि गासै 10 एवा 15 मिनटनि बाहागोखौ नायदो। उनाव आं बेनिफ्राय ओंखारलाडो, माखासे शपि खालामो, फिन सिनेमा हलआव

थांफिनो आरो 10 मिनटसो आरोबाव सावथुनखौ नायो। बेखिनियानो आंनि थाखाय थोजासेमोन। बिथाडा बुंवावदोदि, बे सावथुननि मेथाइखौ गाव इसेबो मोजो मोनाखै। जेब्ला पलनियाव इन्टरभिउआव सौलु खालामनाय जादोमोनदि, सावथुना जोबोद गात्रिमोन नामा होनानै, अब्ला पलआ फिन्याय होयो, आंहा बे सावथुननि सासेबो सुबुंखौनो मोजो मोनाखैमोन। आं बिथानो फावखुंगुर महाराव मोजो मोना। अदेबानि बे बायदि सुबुंफोर जुदि नौथानि न'आव फैयो अब्ला नौथाडा उन्थिजायनि दरजाजौ खारखुमा लांगोन। 4 अक्टूबरआव प्रिमियार जानायनि उनाव बक्स अफिसआव गावनि नैथि उइकेन्डआव 'जकार 2' सावथुना मोजाडै दिन्थिफुंनो

हायाखैमोन। मिडिया रिपर्टसनि बायदिब्ला, जकार 2 सावथुना दासिम गासै 165.3 मिलियन डलारसिमल' रं आरजिनो हादो। पलआ बे बोसोरनि नभेम्बर दानआव पैगौ फिचार नन कम्पज मेन्टिसखौ दिन्थिफुंनो थाखाय साखा-फरा जादो। पल श्रेडारखौ फास्ट रिफार्म, द कार्ड काउन्टर आरो मास्टर गार्डनर बायदि सावथुनफोरनि थाखाय सिनायथियाय जायो।

## राजकुमार रावआ बिमाखौ जोबथा बिदाय होनानै थाबैनो शुटिआव फैफिन्दोमोन

राजकुमार राव आरो तृपि डिमरिनि सावथुन 'भिक्वि और भिधा का वो वाला भिडिअ' आ बावैसो सिगां रिजिज जादोमोन। बलिउडआव गावनि मोजो एक्टिनि थाखाय मुंदांखा जानाय राजकुमार रावआ गावनि बावैसो इन्टरभिउआव बे सावथुननि सोमोन्दै बाथा सावरायदो, जायनि शुटिखौ खालामनायाव बिथानि थाखाय जोबोद गोब्राब जादोमोन। बे सावथुननि सेटआव बिथाडा मोनसे एरैबायदि खोरं मोन्दोमोनदि बिथाडा गोसो बायदोमोन। समदिश भाटियानि स्व 'मौज मस्त' नि गेजेरजौ राजकुमार रावआ गावनि के रियायनि बयनिखुइबो गोब्राबसिन सावथुन आरो बयनिखुइबो गोब्राब समखौ फोरमायदो। बिथाडा मिबथि होयोदि, बिथानो बे खौरंखौ रावबो नड बै समाव गावनिनो गालफ्रेन्ड आरो दा गावनि बिसि पत्रलेखायानो होदोमोन। आं सान्दोमोनदि, आं जोबोर स्ट्र, नाथाय आं बिब्दि जायासे। बिथाडा आरोबाव मिथिहोबावयोदि, सेटआव सौहैदोब्लाबो नाथाय शुटिखौ खालामनो हायै जादोमोन। बिथाडा बयनिबो सिगाडव गोबां



गावनो हमदोमोन। फावखुंगुरनि बादिब्ला बिथानि बेस्ट फ्रेन्डआ 'न्युटन' सावथुननि सेटआववो दडमोन। बिथाडा सावथुननि साउन्ड डिजाइनारमोन आरो बिथाडा बिथानो बै गोब्राब समाव जोबोद मदत होदोमोन। राजकुमार राव, पंकज त्रिपाठि, रघुबिर यादबनि सावथुन 'न्युटन' आ बक्स अफिसआव मोजो

अन्सायनाय मोनो हायाखैमोन। नाथाय नायगिरिफोर राजकुमारनि फाव आरो सावथुननि सल 'खौ जोबोद बाख्नायदोमोन आरो बेनो जाहोनमोनदि 'न्युटन' सावथुनआ बेस्ट फिचार फिल्म हिन्दीनि थाखाय नेशनेल एवार्ड मोन्दोमोन। सावथुनआ बालिन फिल्म फेस्टिभलआव प्रिमियारबो जादोमोन।

## इला काकटिआ सासे असमिया सावथुननि बाउगारलां जानाय रानिमोन

1970 निफ्राय 1980 माइथायसिम फावखुंगुरि इला काकटिआ असमिया सावथुनफोराव गावनि रंग 'थि एक्टिनि थाखाय नायगिरिफोरनि गेजेराव सासे अनजाथाव सुबुं एवा बयजौबो अनसायजादो। इला काकटिआ गाहाइ फावखुंगुरिबो महरै असमिया सावथुनआव बिफाव होनानै बयनिफ्रायबो अन्सायनाय मोन्दो। माजुलीनि मोनसे हारिमुआरि इन्भाइरमेन्टआव देरबोनाय इला काकटिआ खम बोसोर बैसोयाववो सासे सत्रिय 'मोसागिरि जादोमोन। बिथानो आबुलु माजिदनि लिगनाय आरो बिथानो होनाय नाटक 'सम्पुर्ण महाभारत' आव उर्भशानि महाराव फाव दिन्थिनानै नायगिरिफोरखौ गोमो होदोमोन। बे नाटकआ 1960 माइथायव जहाटआव जोबोद दोहौ सोमजिहोदोमोन आरो बे नाटकआव कृष्णि फावआव प्रशान्त हाज 'रिकायाबो दंफायोमोन। बिथानि मोसानाय रंग 'थिखौ नुनानै ऊ भुपेन हाज 'रिकाया इला काकटिखौ गावनि



'चिकभिक बिजुली' (1969) सावथुननि थाखाय सायख 'दो। इन्टरेस्टि बाथ्राया बेनोदि, इला काकटिनि बिबौआ भला काकटिआ भुपेन हाज 'रिकाया क्लस लोगोमोन। बेनि उनाव

इला काकटिआ मोसानायाव बाहागो लानो थाखाय गावनि नख 'रनि सोद्रोमाजौ लोगोसे कलकातानि थाखाय दावबायो। नै बोसोर उनाव 1971 आव डिबन बरुआनि 'जुग-बियुग'

सावथुन रिजिज जादोमोन आरो बे सावथुनाव इला काकटिआ गाहाइ फावखुंगुरि महाराव दंमोन। सत्रनगरनि थागिबिफोरा डाइरेक्टर डिबन बरुआनि फावखुंगुरि महरै माजुलिन सासे

जाखांफु नाय आइजोखौ सायख 'नायनि थाखाय जोबोद खुसि जादोमोन। 'जुग-बियुग' आ रिजिज जानायनि उनाव नायगिरिफोरनिफ्राय गोबां अन्साइनाय मोन्दोमोन। बे सावथुननि जाफुंसारनायनि उनाव इला काकटिआ भैति, बनरिया बायदि असमिया सावथुनफोराव फाव खालामबाय थादोमोन। 1980 माइथायआव डायेक्टर डिबन बरुआनि सावथुन 'राजा हरिश्चन्द्र' आव इला काकटिनि फिसाइ मुंदांखा फावखुंगुर प्रसान्त हाज 'रिकाया गाहाइ फाव खालामदोमोन आरो इला काकटिआबो बिथानिनो बिसि शैव्यानि फाव दिन्थिदोमोन।

## रिमा दासनि 'भिलेज रकस्टार्स 2' आ बुसान इन्टारनेशनेल फिल्म फेस्टिभलआव किम जिसियकनि बान्था देरहादो

रिमा दासनि बान्था देरहानो हानाय सावथुन 'भिलेज रकस्टार्स 2' आ 29थि भुसान हारिमायारि सावथुन महाउत्सभआव साबसिन सावथुननि थाखाय मुंदांखा किं जिसियक बान्थाखौ देरहादो। बे सावथुना मुंदांखा जिसियक बादायारिफोरनि थाखाय मोनसेल' भारतीय फिचारमोन।



क्रिश्चियन ज्युन, प्रसन्ना भिथानगे आरो सिन सुबनजौ लोगोसे युक्त जुरियाबो 'भिलेज रकस्टार्स 2' खौ जोबोर बाख्नायदोमोन। बे सावथुनाव भनिता दास, बसन्ति दास, जुनुमनि बर', बलराम दास आरो मनबेन्द्र दासआबो दंफायो। डायेक्टर रिमा दास, जाय सावथुनखौ लिदो आरो बिथानोबो होदो, बिथाडा बान्था मोननायनि सायाव गावनि गोजोनायखौ फोरमायदो।

बिथाडा बुंदोदि, एशियाइ सिनेमानि जौगानायनि थाखाय गावनि जिउखौ बाउनो हानाय सुबुनि मुंआव बे बान्थाखौ मोनो हानाया थैरनो जोबोद गिदिर गोग्गाथाव बाथा। रिमा दासआ सिक्वेल बानायनायाव फे नाय चेलैन्जफोरखौ गनायनायजौ लोगोसे बुडोदि, मोनसे उदासि सावथुननि सिक्वेल बानायनांगोआ खस्ट गोनां खामानि आरो साहस गोनां थांखिमोन। गाहाइ महरै

गिबि सावथुनखौ गोथारै बानायना दोनो नाजानाय, नाथाय आंहा खुसि जे आं बेखौ माववो हादो। जौनि गोबां खस्ट खालामनायखौ मान बाउजानाय नुनाया थैरनो गोमोथावना। बे देरहानाया रिमा दासनि केरियाआव मोनसे माइल खुथिया गायनो हादो। सावथुननि प्रिमियारआ 2017 माइथायव उल्ट इन्टारनेशनेल फिल्म फेस्टिभलआव जादोमोन, अदेबानि बे सावथुनआ 2018 आव साबसिन फिचार फिल्मनि थाखाय हादतआरि सावथुन बान्था देरहानो हादोमोन। 'भिलेज रकस्टार्स 2' नि फेगौ प्रिमियार मामिआ मुम्बाइयाव जागोन। फिल्म फेस्टिभल 2024 आव बेयो खोला एसियानि बादायलायनायाव बाहागो लागोन। बे महाउत्सभआ 19 निफ्राय 24 अक्टूबरसिम जागोन।

## भारतआ कक गेलेमुखौ अलिम्पिक आरो एसियान गेम्सआव लांनो थांखि लादो

गोदान दिल्ली, 15 अक्टूबर: भारतआ 2025 आव खुंजानो गोनां कक' वर्ल्ड कापखौ खुंनो थाखाय जान्जि खाफ्रादो। कक' गेलेमुखौ भारतआ बे कापनि गेजेरजौ आगानसे आवगायहोनायजौ लोगोसे बे गेलेमुखौ अलिम्पिक आरो एसियान गेम्ससिम लांनो थाखाय नांथावगासिनो दड। जेयव बेनि थाखाय कक' फेडरसनिन आफ्रदिगिरि सुदांशु मिट्टलआ गावसोरनि गोब्राब नाजानायखौ फोरमायदो। मख 'नो गोनादि, गिबि खेव कक' वर्ल्डकापआव हौवा आरो हिन्जाव मोननैबो केटैरिनि थाखाय दर 54 हादरफोरनिफ्राय बाहागो लांफेगोन। बेनि सायाव मिट्टलआ गोजोनाय फोरमायनानै बे गेलेमुखौ जेब्लाबो मुलुग फासै बोखोलानो नाजगोनखौ फोरमायो। सिगांफासै बिथाडा हौवा आरो हिन्जाव



मोननैबो केटैरिआव बे गेलेमुखौ खुंफुंनय जागोनखौ फोरमायदो आरो सोलिफुसमाव मुलुगनि दर 54 हादरफोरनेव बे गेलेमुनि अन्सायजागोनखौ फोरमायो। लोगोसे बैफेर हादरफोरनि गेजेराव दर 34 हादरफोरनिफ्राय कक' वर्ल्ड कापआव बाहागो जांफेगोनखौ फोरमायदो।



## भारतीय हकी हान्जानि बरग' कच शपमेनआ भारतआव फैफिन्दों

गोदान दिल्ली, 15 अक्टुबर: भारतीय आइजो हकी हान्जाया पेरिस अलिम्पिकनि थाखाय क्वालिफाइ जानो हायैनि उनाव हान्जानि गाहाइ कच यानिक शपमेनआ गोबां सोंखारिजानायजों मोगा-मोगि जानांदों मोन। बे समाव बिथाडबो भारतआव आइजो हान्जानि सायाव दैदेनगिरिफोरनि गाहायै नोजोरथि होयैनि सायाव गुबुन गुबुन अजद दैखंदों। बेबादि थासारिनि उनावबो बिथाडा फिन भारतआव फैफिनबाय आरो बिथाड कचि स्टाफआव बाहागोआव थासिमोन। नाथाय बे खेबआव शपमेनखौ भारतयारि हान्जानि डगआउटआव नुनो मोन्नाय नड। भारतनि हौवाफोरनि हान्जाफोर थानाय साननैसोनि सिगां हकी इन्डिया लीगनि थाखाय गावसोरनि थियारिखौ जागायजेनबाय। मानोना निलामनि समाव हकी इन्डियानि आफादगिरि दिलिप तिकी आरो नेहाथारि बलानाथनि



बाहागोआव गुबुन गुबुन क्लबफोर भारतयारि हान्जानि गेलेगिरिफोरखौ गावसोरनि हान्जायाव बाहागो खालामदों। बे समाव शपमेनखौबो निलामनि क थायाव जायगा होदों। शपमेनआ उरिप्या आइजो हान्जानि बाहागोआव थागोन। जेराव बिथाडा हान्जानि दिन्धिफुनायाव दिथागिरि महै नांथाबगोन। बे बिबाननि थाखायनो बिथाडा भारतसिम फैफिनबाय। उरिप्यानि हान्जायाव शपमेनखौ जोबथा खेब महै आइजोफोरनि हान्जायाव नुनो मोनगोन। मख'नो गोनांदि, बिथानि

कचआव भारतनि हान्जाया उरिप्याआव अलिम्पिक क्वालिफायार गेलेदों मोन। नाथाय टप 3 आव सौहेनायाव फेलें जानायनि उनाव बिथाड सावरायजानायजों मोगा-मोगि जानांदों। जायनि उनाव बिथाड मासिनफ्राय बिबान एंगारदों। खौरागिरिनि मोगा-मोगिआव बिथाडा भारतआव आइजो गेलेगिरिफोरनि गोसोयारि गोखौंथिखौ दिदोमआव लाखिनांगोनि गोनांथिखौ फोरमायो आरो हौवा आरो हिन्जाव गेलेगिरिफोरनि गेजेराव समानथि लाबोनांगोनि सायाव गोनांथिखौ फोरमायो।

गुवाहाटी, 15 अक्टुबर: आसाम अलिम्पिक गौथुम(एए)आ अलिम्पिक मेडलिस्ट बक्सर लाभलिना बरगहाइनि मुडाव मोनसे हायुडारि थाखोनि बान्था लाबोनो थाखाय गोखौं थिरांथा लादों। जेराव बे थिरांथाआ गुवाहाटी नोगोरमानि आसाम एडमिस्ट्रिभ स्टाफ कलेजआव जानानै थानाय गोदानै सायख'जानाय मावफुं आफादनि गिबि जथुम्मायाव जानानै थाडे। बे समाव एअनि आफादगिरि सबानन्द सनवालनि दैदेनायाव जथुम्मायाव सानै केबिनेट मन्थि जयन्त मल्ल बरुवा आरो पियुष हाजुरिकाखौ सिनियर लेडाइ आफादगिरि महै सायख'नाय जायो। अलिम्पिक मेडल देरहागिरि बक्सर लाभलिना बरगहाइ आरो आसाम जयन्त तालुकदारखौबो बे समाव एथलीट आयगनि सोद्रोमा महै सायख'नाय जायो। बे जथुमनि उनाव खौरागिरिनि मोगा-मोगिआव सनवालआ



एअनिफ्राय गेलेगिरिफोरनि रंगथिखौ नोजोर लाखिनायखौ फोरमायो आरो गावसोरनिफ्राय गोबां थिरांथाफोर लानायनि गेजेराव मोनसे टेलेट हान्द वकि गुप दानायखौबो बाहागो फोरमायो। सिगां फासैं बिथाड गेलेमु आयदानि रंगसाफोरनिफ्राय राइज्योनि

एथलीटफोरनि थाखाय फोरथाय हाबाफारिआव बाहागो जानायनिफ्राय हान्जायाव आवगायनायनि लामा फौगोनखौ फोरमायो। लोगोसे भारतआ 2036 आव अलिम्पिकखौ बान्जायनो थांखि लानायनि सायाव बिथाडा गोजोन्नाय फोरमायानाँ एअनिफ्राय

आसामनिफ्राय एथलीटफोरनि थान्दैखौ बांसिनै दैथायहरनो नोजोर लानायखौ फोरमायो। गोदानै सायख'जानाय लेडाइ आफादगिरि सुबध मल्ल बरुवाआ टेलेट हान्द वकि गुपनि लिंथुमगिरि बिबानआव थागोन। बे समाव आसाम अलिम्पिक गौथुमआ लाभलिना बरगहाइनि

मानआव गंसे हायुडारि थाखोनि बान्था लाबोनो थिरांथा लानायखौ फोरमायो। लोगोसे बे बान्थाखौ गुबुन गुबुन थाखोफोराव मोनसे रंजालु फोर्बांआव होनाय जागोनखौ फोरमायनायजों लोगोसे बेखौ लाभलिनानि मुडाव होनाय जागोन होना फोरमायो। बेफोर थांखिनि अनगायैबो एअआ बोसोरारि हाबाफारिनि गुबुन गुबुन थांखिनि सायाव फोरमायानाँ हारिमायारि अलिम्पिक सान फालिनाय आरो आसाम इयुथ अलिम्पिक गेम्सजों लोगोसे मोनसे गेलेमु जथुम खुंनो थिरांथा लादों। जेराव आसाम इयुथ अलिम्पिक गेम्सनि नैथि सिजनआव डिबुगुड आरो जरहाटआव खुंजागोन।

## दिल्लीनि क्लबखौ आइएसएलआव फिन नुनो मोनफिनसिगोन

गोदान दिल्ली, 15 अक्टुबर: इन्डियान सुपार लीगखौ लानानै हादरनि राजथावनि दिल्लीआवबो थियारिआ सोलिदों। गेलेगिरिफोरजों लोगोसे गेलेमु एस'सिएसनफोरबो बे लीगनि सायाव गोखौं नोजोर लाखिदों। आइएसएलनि बादायनाय मेचआ राजथावनि दिल्लीनि जवाहरलाल नेहरु स्टेडियमआवबो खुंजागोन। बे लीगआव दिल्लीनि गेलेगिरिफोरा गुबुन गुबुन क्लबजों गेलेदों। दिल्लीनि फुटबल हान्जाया सोलिफु बोसोराव गुबुन गुबुन इभेन्टफोराव मोजाडै दिन्धिफुं दों। बेबादि समाव आइएसएलआव दिल्लीनि क्लबफोरखौ लानानै गोदान मिजिंजों दिल्ली फुटबल एस'सिएसनआबो जान्जि खाफ्रादों। बेजों लोगोसेनो दिल्लीआव फुटबल गेलेगिरिफोरखौ संदानो थाखाय एस'सिएसनआ गोखौं नाजादों। बेनि सायाव खौरागिरिनि मोगो-मोगिआव दिल्ली फुटबल एस'सिएसननि आफादगिरि अनुप गुप्ताआ रोखा फोरमायदों।



आइएसएलआव दिल्लीनि क्लब बाहागो जागोननि सोंथिआव बिथाडा थाबैनो गावसोरनि क्लबखौ नुनो मोनगोनोखौ फोथारथि होदों। सिनियर भारतीय हान्जायाव गेलैनायनि सिगां बिथाडा गेलेगिरिफोरनि आइएसएलआव बाहागो जानांगोखौ फोरमायानाँ बेनि उनावसो गेलेगिरिफोरनि भारतनि हान्जायाव सायख'जानायखौ फोरमायो। सिगां फासैं बिथाड दिल्लीआव माखासे क्लब थानायखौ फोरमायानाँ बेफोरनि थाखाय गेलेगिरिफोरनि बाइजोआव थांनानांगोनि गोनांथि गैयैखौ फोरमायानाँ थाबैनो दिल्लीआवबो आइएसएलनि क्लबनि महर फैगोनखौ फोरमायो। लोगोसे गावसोरनिफ्राय जेब्लायबो

हागोनखौ मिजिंथियो। लोगोसे सिगाडवनो भारतीय हान्जायाव दिल्लीनिफ्राय सानै गेलेगिरि सायख'जानायखौ फोरमायो। एस'सिएसननि गेलेगिरिफोरनि थाखाय हाबा मावनायनि सोंथिआव बिथाडा दिल्ली फुटबल हान्जानि डालमिया शिब्टखौ आइजो केटेगिआव हादरनि लेडाइ केपेन फोरमायानाँ बिथानि दिल्लीनिफ्रायनो आवगायलानो हानायखौ फोरमायो। लोगोसे दिल्ली फुटबल एस'सिएसनआव गुबुन गुबुन केटेगिआव 4-5 रोजा गेलेगिरिफोरनि जोनोम मोन्नायखौ फोरमायो आरो बिबोरनि थाखाय रंगमथिनि सायाव एस'सिएसननि नोजोर लाखिनायखौ फोरमायो।

## चेन्नाइयान एफसिआ बरुसिया डर्टमुनखौ फेजेन्नानै गोगगानाय लाबोदों



गोदान दिल्ली, 15 अक्टुबर: चेन्नाइयान एफसिआ आन्डार-12 हान्जाआ इन्डोआव नर्भिक सिटि एफसिनि गोदान फोरथाय खालुआव गेलेनाय नर्भिक सिटि मिना काप इउकेआव इउरपनि हेभिवेट बरुसिया डर्टमुनखौ 4-2 गलनि फारागआव फेजेन्दों। चेन्नाइयान एफसिआ गुप स्टेजनि उनाव सिलभार कापनि थाखाय क्वालिफाइ जायो। जेराव बिथामोनाहा इन्टर मिलानजों 0-1 आरो लिभारपुलजों 0-2 स्करआव जेन्नायनि उनाव गावसोरनि फर्मखौ सोलायनो नाजादों। बेबादि थासारिआव चेन्नाइनि हान्जाआ गोब्राब नाजानायजों उरनि समाव मोजाडै दिन्धिफुं। बिथामोनि हान्जाया सिलभार कापनि गुप स्टेजआव बारमुडा एफएखौ 2-0 स्करआव फेजेनो आरो प्लेसमेन्ट बादायलायनायाव बरुसिया डर्टमुनखौ 4-2 आरो बारमुडाखौ फिन 2-0 स्करआव फेजेनो। चेन्नाइयाननि हान्जाया मनिपुरआव जोनोम मोन्नाय नेपलियान लाइकुरामनि मोनसे सोमोनांथाव गयब्रं गल सोनायनि गोब्राब नाजानायजों डर्टमुननि लाइमोन हान्जाखौ फेजेन्दों। चेन्नाइयान एफसिनि लेडाइ आफादगिरि इकान्स गुप्ताआ नर्भिक सिटि मिना काप इउकेआव हान्जानि लाइमोन स्टाफोरनि साहस आरो थिरांथाजों दिन्धिफुंनायखौ लानानै गोजोन्नाय फोरमायो। गावसोरनि गेलेगिरिफोरनि दिदोमै दिन्धिफुंनायखौ बाख्नायानाँ नैथि सानआव फिन बरुसिया डर्टमुननि हेथायै देरहानायखौ गोजोन्नाय फोरमायो। लोगोसे गेजेर हायुडारि थाखोआव हान्जानि बेबादि दिन्धिफुंनायखौ भारतीय फुटबलनि गोखौं गोहोनि फोरमान होना फोरमायो।

## एइएसआइएलनि निलामआव गोबां गेलेगिरिआ बेसेन गोसानि फोरमान जादों

गोदान दिल्ली, 15 अक्टुबर: हकीनि फोथारआव सिगां समनिफ्रायनो गोबां मुं आर्जिबोनाय भारतनि गेलेगिरिफोरा एइएसआइएलनि निलामआव गोबां लाख रंआव बायजादों। भारतनि हौवाफोरनि हकी हान्जानि केपेन हरमनप्रीट सिंहनि उनाव गुबुन गुबुन क्लबआ रंगमथि गोनां गेलेगिरिफोरखौ गावसोरनि हान्जायाव बाहागो खालामबाय। जानो गोनां हकी इन्डिया लीगनि निलामआव बेसेन गोसानि गेलेगिरि जानो हानाय हरमनप्रीट सिंहनि उनाव मनदीप सिंह, गुरजत सिंह, शुखजित सिंह, अमित रहिदास आरो गोबां गेलेगिरिफोरखौ गुबुन गुबुन क्लबआ हान्जाजों सरजाबबाय।



बे निलामनि गिबि सानआव सुरमा हकी क्लबआ हरमनप्रीट सिंहखौ 78 रनआव हान्जाजों सरजाबदों। बिथानि उनाव अभिषेकआ नैथि बयनिखुइ बेसेन गोसानि गेलेगिरि जानो हादों। जेराव बिथामोनां श्राची राध बेगल टाइगासंआ 72 लाख रंआव बायदों। बे फारिआव हारदिक सिंहआ इउपि रुद्राकसजों 70 लाख रंआव

बायजानानै थामथि मासिआव जायगा मोन्दों। अमित रहिदासनि थाखाय तामिलनाडु ड्रेगनआ 48 लाख रडाव हान्जाजों सरजाबदों। जेराव युवराज सिंहआवो रहिदासजों समान बेसेनआव बेगल टाइगासंजों बायजादों। बेबादिनो हाइद्राबाद स्टांमआ सुमितखौ 46 लाख रंजों गावसोरनि बाहागो खालामदों। गुबुन

हादरयारि गल क्वालिफोरनि गेजेराव आचारलेन्डनि डेभिड हाईडआ बयनिखुइ बांसिन बेसेनआव बायजादों। बिथामोनां तामिलनाडु ड्रेगनआ 32 लाख रडाव हान्जाजों सरजाबदों। बेबादिनो जामानि जिन पल डेनवार्डखौ हाइद्राबाद स्टांमआ 27 लाख, नेडारलेन्डनि फ्रिमिन ब्लेकखौ बेगल टाइगासंआ 25 लाख रं आरो बेल्जियामनि भिनसेन्ट भन्नाशखौ सुरमि हकी क्लबआ 23 लाख रंजों हान्जानि फारिआव सोफादेरदों। बे लीगनि गिबि साननि निलामआव गुरजत सिंहखौ सुरमा हकी क्लबआ 19 लाख रं, मदीप सिंहखौ टीम गनासिकाआ 25 लाख रं, मनप्रीट सिंहखौ टीम गनासिकाआ 42 लाख रडाव हान्जाजों सरजाबदों। बेबादिनो निलामनि गिबि सानआव गुबुन गुबुन गेलेगिरिफोर गोबां लाख रडाव बायजानो हादों।

## रेसलिनि फोथारआव माखासे गेलेगिरिफोरनि लिस्थाया अन्सायगिरिफोरखौ सोमोनां होयो




वाशिंठन, 15 अक्टुबर: आमेरिकायाव वर्ल्ड रेसलि इन्टरटेनमेन्टआ गोबां अन्साय जायो। भारतआवबो बे रेसलिनि फोथारआव गोबां गेलेगिरिफोर मुं आर्जिबोनाय जायनि फारिआव ग्रेट कालिनि मुडाबो जायगा मोनो। कालिआ गोबां बोसोरसिम डब्लिउडब्लिउडनि फोथारआव बेरेखा गेलेगिरिफोरखौ सेलेन्ज होबोदों। जोथाय आरो लिस्थायनि थाखाय सिनायजानाय कालिआ बेनिप्रय आर्जि लाबाय आरो सोलिफु समाव गावयारि एकाडेमि सालायनानै दड। मख'नो गोनांदि, मुलुगनि माखासे रेसलारफोरनि लिस्थाया रेकड बुकआव गावसोरनि मुंखौ थिसनो हादों। आमेरिकानि

रेसलार यकजुनाआ बे फारिआव मुलुगनि बांसिन लिस्थायनि डब्लिउडब्लिउडनि फारिआव जायगा मोनो। बिथाड 267 कि:ग्रा: लिस्थायनि बादायारिमोन। 1.33 मिटार जौथायनि यकजुनाआ 34 बोसोर बैसोआवनो रंसारि जायो। बिथाडा रिंआव ओं खारोमोनब्ला बेरेखा बादायारिफोर सोमखियोमोन। डब्लिउडब्लिउडनि अलटाइम बांसिन लिस्थायनि रेसलारफोरनि फारिआव फ्रान्सनि आन्द्रे जस्ट्यानैथि नम्बरआव जायगा मोनो। 46 बोसोर बैसोआवनो रंसारि जानाय बिथाड 236 लिस्थायनिमोन। जेराव बिथाड रेसलार जानायजों लोगोसे सासे मोजां फावखुं गुरबोमोन। बे फारिआव थामथि नम्बरआव

इनाइटेड किङडमनि रेसलार बिग देदिआ थामथि नम्बरआव जायगा मोनो। 226 कि:ग्रा: लिस्थायनि देदिआ गिथावना रेसलारफोरनि फारिआव जायगा मोनो। आमेरिकानि मुंदांखा रेसलार भिक्स'आबो 215 कि:ग्रा: लिस्थायजों टप 5 आव जायगा मोन्दों। बिथानि आबुं मुड पल डनाल्डमोन। नाथाय रेसलिनि फोथारआव बिथामोनां बिक्स' मुंजोंसो मिथिनाय जायो। सोलिफु समावबो बिथाडा रेसलिंआव गावनि गोखौं देहाजों बेरेखा बादायारिफोरखौ गिखांहोयो। आर्जेन्टिनानि मुंदांखा डब्लिउडब्लिउड रेसलार जाइन्त गन्जालेसआ बयनिखुइ जौसिन रेसलारनि फारिआव गिबि नम्बरआव जायगा मोन्नाय महै बास्केट बलनि फोथारआवबो बिथाडा जौथायनि थाखाय मिथिजायोमोन। गोजौ जौथायनि बिथाडा 209 कि:ग्रा: लिस्थाय जानायनि थाखाय आरो जौथायनि थाखाय रेसलिं आरो बास्केट बल मोननैयावबो गावनि आगानखौ लाखिनो हादों।

## शुटार सजिलजों लोगोसे चेसआव जाफुंसारनाय गेलेगिरिआ महाराष्ट्र सरकारजों मान होजादों



गोदान दिल्ली, 15 अक्टुबर: महाराष्ट्र सरकारआ पेरिस अलिम्पिक आरो चेस अलिम्पियाडआव भारतनि मुंखौ गोजौआव लाखिनाय गेलेगिरिफोरखौ मानयारि बान्थाजों बरायदों। महाराष्ट्र राइज्यो सरकारआ पेरिस गेम्सआव ब्रन्ज मेडल देरहानायनि थाखाय शुटार सजिल कुशालेखौ 2 कौटि रंनि चेकजों मान होदों। चेस गेलेगिरि बिदित गुजराति आरो दिव्या देशमुखआबो चेस अलिम्पियाडआव सनानि मेडल



देरहानायनि थाखाय 1 कौटि राखरि बान्थाजों मान होजादों। महाराष्ट्रनि गिबि मन्थि एकनाथ सिन्दे आरो लेडाइ गिबि मन्थि देबेन्द्र फाडनाभिस आरो अजित पवारआ मुम्बाइनि मोनसे फोर्बांआव बे माननि चेकजों बिथामोनां बरायदों। कुशाले आ पेरिस अलिम्पिकआव 50 मिटार राइफल थि पजिसननि बादायनायाव ब्रन्ज मेडल देरहादों। पेरिस पेरालिम्पिकआव हौवाफोरनि शटपुट खुबैनायनि एफ 46 नि